

ማርቆስ ፩ ዓፊዳ ዮሱሳ ኪሪስቶስ ዎንጌላ ጋሳ ቆፋ

ማርቆስ ዎንጌላይ፥ «ሃይሲ ዖሳ ናዓ ዮሱስ ኪሪስቶስ ዎንጌላ ደሜላ» ጊሼ ኮይሮ ደሜስ። ሃ ዎንጌላን ዮሱሲ አሶ አሲኔ ማታ አዎ ጊዲዲ ሺቂስ። ኢያ ማታይ ኢያ ቲሚርቲያን፥ ቱና አያና ቦላ ዴዲያ ዎልቃኒኔ አሳ ናጋራፕ ማሬይሳን ቆንጨስ። ዮሱሲ፥ «ታኒ፥ አሳ ናጋራ አይሌቴሳፌ ኪሳናው ታ ዴዑዎ አሳዳ ኢማናው ዩዳ አሳ ናዓ» ያጊዲ ባ ዶናን ሃሳዩስ።

ማርቆስ ዮሱሳ ታሪኪያ ሱሬ አገኒኔ ዎልቂ ኩሚዳ አገን አዲስ። ማርቆስ ዮሱሳ ቃላኔ ቲሚርቲያ ጊዶናሺን ኢ አሲዳ ማላሲሲያ አሶታ ባይራዩዲ አዴስ። ማርቆስ ፩ ማቂያ ዮሃኒሳ ታሪኪያ፥ ዮሱሳ ዊንቃቲያኔ ኢያ ፓጩቴሳ ቃንሳን አዲ ሲሚዲ፥ ዮሱሳ ቲሚርቲያኔ ኢያ ፓሱዎ ዳልጊሲዲ አዴስ። አቂ አቂ ቢሺን ዮሱሳ ታማሬቲ ዮሱሳ ሎይሲዲ ኤሪ ኤሪ ቢዶሶና፥ ሺን ዮሱሳ ኢይይሳቲ አሲዲ ኢዊሼ ኢዊሼ ቢዶሶና። ወርሴሳ ሽምፖቲ ዮሱሳ ዴዎን ወርሴሳ ሳሚንታን ፖሌቲዳ አሶታባ አዶሶና። ሄሳቲካ ኢያ ካቆቴሳኔ ኢያ ዴንዱዋባ አዶሶና።

ማርቆስ ዎንጌላ አይፌ ቆፋታ

ዎንጌላ ደሜላ 1:1-13

ዮሱሲ ጋሊላን ባ አሱዎ አይኪዳይሳ 1:14-9:50

ዮሱሲ ዮሩሳላሜን አሲዳ አሱዎ 10:1-52

ወርሴሳ ሳሚንታ ዮሩሳላሜ ሄራን 11:1-15:47

ዮሱሳ ሃይቆፕ ዴንዱዎ 16:1-8

ሃይቆፕ ዴንዲዳ ጎዳ ቆንጨሳኔ ሳሎ ኬሳ 16:9-20

፩ ማቂያ ዮሃኒሲ አገ ጊጊሴስ

(ማቶ 3:1-12፤ ሉቃ 3:1-18፤ ዮሃ 1:19-28)

¹ ሃይሲ ዖሳ ናዓ ዮሱስ ኪሪስቶስ ዎንጌላ ደሜላ። ² ናቢያ ኢሳያሲ ፩ፊዳ ማፃፋን ዖሳይ፥

«ሄኮ፥ ታኒ ታ ኪታንቹዎ ኔፕ ሲንሴ ዮዳና።

ኢ ኔ አጊያ ጊጊሳና።

³ ኢሶይ ባዞ ጊዶን ባ ቃላ ዶቂ አሲዲ፥

፫፡፩ አጊያ ጊጊሲቴ፤

1:2 ሚል 3:1

ኢህራም ሆሮጋ ኢያው ሱሪሲቴ ጊስ» ያጌስ።

4 ማጣቂያ የሃኒሲ አሳ ማጣቂያ፤ «ሂንቴ ናጋራቴ ሲሚዲ ማጣቂያቴ፤ ያሳይ ሂንቴ ናጋራ አቶ ጋና» ያጊዲ ቃላ አዲሽ ባዞ ቢታፊ ዩስ። 5 ዩሁዳ ቢታን ዴዲያ አሳይ ኡባይኔ ዩሩሳላሚ ካታማ አሳ ኡባይ የሃኒሳኮ የሶና። ባንታ ናጋራ ፓሂን፣ የሃኒሲ ኤንታ የርዳኖሴ ሻፋን ማጣቂስ።

6 የሃኒሲ ጊማሌ ኢኪሴቴ ዳዴቲዳ አፊላ ማዔስ። ባ ያሳን ዳፎ ዳንጩስ፤ ቃሲ ቦሌኔ ዴጌራ ኤሲ ሜስ። 7 የሃኒሲ ቃላ አዲሽ፤ «ታቴ ጉዩራ ዳር ሚኔይሲ ዩስ። ሃሪ አቶሺን፣ ታኒ ኢያ ጫማ ዎዶሩዋ ሆካዳ ቢላናው ቤሲኬ። 8 ታኒ ሂንቴና ሃሳን ማጣቂያ፤ ሺን ኢ ሂንቴና ጌሻ አያናን ማጣቂያ» ያጊስ።

ዩሱሳ ፓጩቴሳ (ማቶ 3:13-17፤ 4:1-11፤ ሉቃ 3:21-22፤ 4:1-13)

9 ዩሱሲ ሄ ዎዴ ጋሊላ ቢታን ዴዲያ ናዚሬቴ ካታማቴ ዩን፣ የሃኒሲ የርዳኖሴ ሻፋን ኢያ ማጣቂስ። 10 ዩሱሲ ሃሳፊ ኪያ ዎዴ ሳሎይ ዶዩቲን፣ ጌሻ አያናይ ባ ቦላ ሆሌዳ ዎዲሺን ቤዲስ። 11 ቃሲ ሳሎቴ፤ «ታኒ ዶሲያ ታ ናዓይ ኔና፤ ታ ኔናን አፋይታይስ» ያጊያ ቃላይ ዩስ።

12 ኢራ ጌሻ አያናይ ዩሱሳ ባዞ ቢታ ኤፊስ። 13 ዩሱሲ ባዞ ቢታን ሃላሄን ፓጩቴሽ አይታሙ ጋላስ ጋምዲስ። ዶዓታራ ዴዲስ፣ ሺን ኪታንቾቲ ዩዲ ኢያ ማዲዶሶና።

ዩሱሲ ሞሎ አይኪያ አይዱ አሳታ ያጊስ (ማቶ 4:12-22፤ ሉቃ 4:14-15፤ 5:1-11)

14 የሃኒሲ ቃሽቲዳቴ ጉዩ ዩሱሲ ያሳ ካዎቴሳ ዎንጌላ አዲሽ ጋሊላ ቢታ ቢስ። 15 ያን፤ «ዎዴይ ጋኪስ፤ ያሳ ካዎቴሳይ ማታቲስ። ሂንቴ ናጋራቴ ሲሚዲ፣ ዎንጌላን አማኒቴ» ያጊስ።

16 ዩሱሲ ጋሊላ አባ ማታራ አዲሽ፣ ሞሎ አይኪያ፣ ሲሞናኔ ኢያ ኢሻ ኢንዲሪያሳ፣ ባንታ ጊቲያ አባን ዩጌይሳታ ቤዲስ። 17 ኤንታኮ፣ «ታና ካሊቴ፤ ታኒ ሂንቴና አሴ አይሱ ታማርሳና» ያጊስ። 18 ኤንቲ ሶሁዋራ ባንታ ጊቲያ ዩጊ አጊዲ ዩሱሳ ካሊዶሶና።

1:3 ኢሳ 40:3 1:6 2ካዎ 1:8 1:11 ሜዴ 22:2፤ ማገ 2:7፤ ኢሳ 42:1፤ ማቶ 3:17፤ 12:18፤ ማር 9:7፤ ሉቃ 3:22 1:15 ማቶ 3:2

19 ዮሴፊ ጉሲ ሲንሴ ቢዲ፥ ናምዑ ኢሻታ ዛብዲዮሳ ናይታ፥ ያይቆባኔ ዮሃንሳ ዎንሉዋ ጊዶን ባንታ ጊቲያ ጊጊሴይሳታ ቤዲስ።
 20 ኢ ኤንታ ቤዲዳ ሜላ ያጊስ። ኤንቲ ባንታ አዋ ዛብዲዮሳ፥ ኢያ አሳንቾታራ ዎንሉዋ ጊዶን ዮጊ አጊዲ ዮሴሳ ካሊዲ ቢዶሶና።

ቱና አያናይ አይኪዳ ኡራይ ፓዲስ
 (ሉቃ 4:31-37)

21 ኤንቲ ቁሬርናሆሜ ካታማ ጌሊዶሶና። ሳምባቲ ጌሊዳ ሜላ ዮሴፊ ኤሌሲዲ አይሁዴ ዎሳ ኬሲ ጌሊዲ ታማርሶ አይኪስ።
 22 ማታራ ዴዲያ አሳዳ ታማርሴሲፕ አቲን ሂጌ አስታማሬታሶ ታማርሶና ጊሾ አሳይ ኢያ ቲሚርቲያን ማላሌቲዶሶና።

23 ሄ ዎዴ ቱና አያናይ አይኪዳ ኢሲ ኡራይ አይሁዴ ዎሳ ኬሲ ጌሊዲ ባ ቃላ ጵቁ አሲዲ፥ 24 «ናዘሬቴ ዮሴሳ፥ ነኒ ኑፕ አይ ኮያይ? ኑና ዳይሳናው ያዲ? ነኒ አኔኮ ታ ኤራይስ፤ ነኒ ዮሳ ጊሻ ጊዲኪ?» ያጊስ።

25 ዮሴፊ ሄ ቱና አያና፥ «ሃይዛ፥ ሃ አዲያፌ ኬያ» ጊዲ ኪቲስ።

26 ቱና አያናይ ኡራ ዳፌሬሲዲ፥ ዋሲዲ ኢያፕ ኬዩስ።

27 አሳይ ኡባይ ማላሌቲዲ፥ «ሃይሲ አይቤ? ሃ ኡራይ ባ ማታን ሃሪ አቶሺን ቱና አያናታካ ኪቲስ። ኤንቲ ኢያው ኪቲቶሶና፤ ሃይሲ አይቤ አራሳ ቲሚርቲ?» ጊዲ፥ ባንታ ጊዶን ኢሶይ ኢሱዋ አይቺዶሶና።

28 ዮሴሳ ሱንሳይ ኤሌሲዲ ጋሊሳ ቢታን ዴዲያ ሄራ ኡባን ኬዩስ።

ዮሴፊ ዳሮ ሃርጋንቾታ ፓሲስ
 (ማቶ 8:14-17፤ ሉቃ 4:38-41)

29 ዮሴፊ አይሁዴ ዎሳ ኬሳፌ ኬዩዲ፥ ያይቆባራኔ ዮሃንሳራ ሲሞና ሶኔ ኢንዲሪያሳ ሶ ቢስ። 30 ሲሞና ማቼ አያ ቆዎ ሚሻ ሃርጋዳ ዜንዲዳሮ ዮሴፊ ያ ጋኪያ ዎዴ ኢያው አዲዶሶና። 31 ኢ ኢኮ ሺቁዲ፥ ኢ ኩሺያ አይኪዲ፥ ኢዮ ዴንሳ ኤሲስ። ቆዎይኔ ሚሻይ አጊን ኢያ ኤንታ ሞካሱ።

32 ሃርጊዳ አሳ ኡባኔ ቱና አያናቲ አይኪዳ አሳ ኡባ ለማርሲ አዋይ ዉሊዳፕ ጉዬ ኢያኮ ኤሂዶሶና። 33 ካታማን ዴዲያ አሳ ኡባይ ሄ ኬሳ ካሬ ሺቁዶሶና። 34 ዮሴፊ ዱማ ዱማ ሃርጊን አይኬቲዳ ዳሮ አሳ ፓሲዲ፥ ዳሮ ቱና አያናታ ኬሲስ። ኢ አኔኮ ቱና አያናቲ ኤሪዳ ጊሾ ኤንታ አዲሶና ዲጊስ።

ዮሴፊ ጋሊላን ታማርሲስ
 (ሉቃ 4:42-44)

35 ዮሴፍ ምንታ ጉራ ደንዲዲ፣ አሲ ባይና ቤሲ ቢዲ፣ ያን ያሳ ዎሲስ። 36 ሲሞኒኔ ኢያራ ደዔይሳቲ ኢያ ኮዬሼ ቢደሶና። 37 ኤንቲ ኢያ ደሚዲ፣ «አሳይ ኡባይ ኔና ኮዬስ» ያጊደሶና። 38 ዮሴፍ ቃሲ ኤንታ፣ «ሄ ሄራን ደዒያ ሃራ ካታማታ ዮዲቱ። ታኒ ዩዳይ ዎንጌላ አዳናው ጊዲያ ጊሾ ያንካ ቃላ አዳናው ቤሴስ» ያጊስ። 39 አይሁዴ ዎሳ ኬሳታን ቃላ አዲሼኔ ቱና አያናታ ኬሲሼ፣ ጋሊሳ ቢታ ኡባን ዩዩስ።

ዮሴፍ ባሮ ሃርጋንቹዋ ፓሲስ
(ማቶ 8:1-4፤ ሉቃ 5:12-17)

40 ባሮይ አይኪዳ ኢሲ ኡራይ ዮሴፍ ዩዲ፣ ኢያ ሲንሳን ጉልባቲዲ፣ «ኔኒ ኮይኮ ታና ጊሻናው ዳንዳዳሳ» ያጊዲ ዎሲስ። 41 ዮሴፍ ኢያው ቃዴቲዲ፣ ባ ኩሺያ ዮዲዲ ኢያ ቦቹዲ፣ «ታኒ ኮያይስ፣ ጌያ» ያጊስ። 42 ሶሁዋራ ባሮይ ኡራ ዮዲን ኡራይ ፓዲስ። 43 ዮሴፍ ኡራ ሚንሳ ናጊሲዲ ኬሲ ዮዲስ። 44 ዮሴፍ ኢያ፣ «ኔና ኡራ፣ ሃይሳ አዴስካ አዶፓ። ሺን ባዳ ኔ አሳቴሳ ካሂኔ ቤሳ። ኔኒ ሃዲ ጊሺ ጊዲዳይሳ አሳ ኤሪሳናው፣ ሙሴይ ኪቲዳ ያርሹዋ ያርሻ» ያጊስ። 45 ሺን ኡራይ ቢዲ፣ ጉታ ኡባን አሳ ኡባስ አዲስ። ሄሳ ጊሾ፣ ዮሴፍ ቆንጩ ኬዩዲ፣ ካታማ ጌላናው ዳንዳዳይና። ሺን አሲ ባይናሶን ጋፃን ደዒስ፤ ቃሲ አሳይ ኡባ ቤሳፌ ኢያኮ ዮሶና።

2

ዮሴፍ ጉንዳ ኡራ ፓሲስ
(ማቶ 9:1-8፤ ሉቃ 5:17-26)

1 ጉሳ ጋላሳፔ ጉዩ ዮሴፍ ቂፊርናሆሜ ሲሚዲ፣ ሶን ደዔስ ጊያ አዳይ ሲዔቲስ። 2 አሳ ኬሳይ ኤኮና ኢዲን፣ ሃሪ አቶሺን ካሬይካ ፀማና ጋካናው ዳሮ አሳይ ሺቂን፣ ዮሴፍ ቃላ ታማርሲስ። 3 አይዱ አሳቲ ኢሲ ጉንዳ ኡራ ቶኪዲ ኢያኮ ኤሂደሶና። 4 አሳይ ዳሪዳ ጊሾ ኡራ ዮሴፍ ከሺሻናው ኤንታው ዳንዳዳቶና ኢዲን፣ ዮሴፍ ደዒያ ጊናራ ኬሳ ቃሪዲ፣ ካራ ቃወዲዲ ኡራ ኢ ዜንዲዳ አልጋራ ዱጌ ዮዲዲ ዮሴፍ ሲንሳን ዎዲሲደሶና። 5 ዮሴፍ ኤንታ አማኑዋ ቤዲዲ፣ ሄ ጉንዳ ኡራ፣ «ታ ናዓው፣ ኔ ናጋራይ አቶ ጌቲቲስ» ያጊስ። 6 ሂጌ አስታማሬታፔ ሄ ቤሳን ኡቲዳ ኢሶቲ ኢሶቲ ባንታ ዎዛናን፣ 7 «ላ ሃ ኡራይ ሃይሳ ሜላ ኢታባ ያሳ ቦላ አይስ አዴቲ?»

1:39 ማቶ 4:23፤ 9:35 1:44 ሌዌ 14:1

የሳ ገላላፔ አቲን ሃሪ አኒ ናጋራ አቶ ጋናው ዳንዳሂ?» ጊዲ ቆፒዶሶና።

8 ኤንቲ ባንታ ዎዛናን ሄሳዳ ቆፒዳይሳ ዩሱሲ ሶሁዋራ ባ አያናን ኤራዲ፣ ኤንታታ፣ «ሂንቴ ሂንቴ ዎዛናን አይስ ሄሳዳ ቆፔቲ? 9 ጉንዳ ኡራ፣ «ኔ ናጋራይ አቶ ጌቴቲስ» ጌይሲ ማቴዩ? ዎይታ፣ «ዴንዳ ኤቃዳ ኔ አልጋ ቶካዳ ባ» ጌይሲ ማቴ? 10 ሺን ታው፣ አሳ ናዓስ፣ ሳዓ ቦላ ናጋራ አቶ ጋናው ማቲ ዴዔይሳ ሂንቴ ኤራና ሜላ» ጊዲ ሄ ጉንዳ ኡራታ፣ 11 «ኔና ጋይስ፣ ዴንዳ ኤቃዳ ኔ አልጋ ቶካዳ ኔ ሶ ባ» ያጊስ።

12 ኡራይ ኤሌሲ ዴንዲ ኤቂዲ፣ ባ አልጋ ቶኪዲ አሳ ኡባይ ሉራሺን ቢስ። አሳይ ኡባይ ማላሌቲዲ፣ «ኑኔ ሃይሳ ሜላ ማላሊሲያ ባ ቤዲ ኤሮኮ» ያጊዲ ያሳ ጋላቲዶሶና።

ዩሱሳ ሌዌ ያጊስ
(ማቶ 9:9-13፤ ሉቃ 5:27-32)

13 ዩሱሲ ቃሲ ጋሊላ አባ ዶና ሲሚ ቢዲ፣ ባኮ ዩዳ አሳ ኡባ ታማርሲስ። 14 ያራ አዲሼ፣ ኢልፊዮሳ ናዓ ሌዌ ጌቴቴይሲ ቃራግ ቃንጊሲያ ቤሳን ኡቲዳይሳ ቤዲዲ፣ «ታና ካላ» ያጊስ። ሌዌይ ዴንዲ ኤቂዲ ኢያ ካሊስ።

15 ዩሱሲ ካሲ ማናው ሌዌ ሶን ኡቲስ። ኢያ ካሊያ አሳይ ዳሮ ጊዲያ ጊሾ ቃራግ ቃንጊሲያ ዳሮ አሳይኔ ናጋራንቾቲ ኢያራኔ ኢያ ታማራታራ ኢሲፌ ኡቲዶሶና። 16 ሂን አስታማራ ጊዲዳ ኢሲ ኢሲ ፋሪሳዌቲ ዩሱሲ ናጋራንቾታራኔ ቃራግ ቃንጊሴይሳታራ ካሲ ሚሺን ቤዲዲ፣ «ኢ አይስ ናጋራንቾታራኔ ቃራግ ቃንጊሴይሳታራ ካሲ ሚ?» ያጊዲ፣ ኢያ ታማራታ አይቺዶሶና።

17 ዩሱሲ ኤንቲ ጌይሳ ሲዲዲ፣ «ሃርጋንቾታፔ አቲን ፓግታስ አኪሜ ኮሼና። ታኒ ናጋራንቾታ ዪጋናው ያሲፔ አቲን ጊሎታ ዪጋናው ያቢኪ» ያጊዲ ኤንታው ዛሪስ።

የማባ ኤራናው ሺቂዳ አይሻ
(ማቶ 9:14-17፤ ሉቃ 5:33-39)

18 ግማቂያ ዮሃንሳ ታማራቲኔ ፋሪሳዌቲ የሞሶና። ኢሲ ኢሲ አሳቲ ዩሱሳኮ ዩዲ፣ «ዮሃንሳ ታማራቲኔ ፋሪሳዌታ ታማራቲ የሞሶና፣ ሺን ኔ ታማራቲ አይስ የሞኮና?» ያጊዶሶና።

19 ዩሱሲ ኤንታታ፣ «ያጋኑዋ ዩዳ አሳቲ ማቺው ኤኬይሲ ኤንታራ ዴዒሺን፣ የማናው ዳንዳያና? ማቺው ኤኬይሲ ኤንታራ ዴዒሺን፣ የማናው ዳንዳያኮና። 20 ሺን ማቺው ኤኬይሲ ኤንታ ማታፔ ኤኬታና ዎዴይ ያና፣ ኤንቲ ሄ ዎዴ የማና።

21 «ጩጋ ማቦ ቦላ አራሳ ዎሲዲ ሲኪያ አሲ ባዋ። ዎሲዲ ሲኪኮ፣ አራሳይ ጩጋ ማዑዋ ዳኬስ፤ ዳኬሳይካ ካሴይሳፌ ዳሬስ።

22 ቃሲ ማልዓንቶ ዎይኔ ጩጋ አጎሮን ቆሊያ አሲ ባዋ። ሺን ቆሊኮ፣ ሄ ዎይኔይ አጎሩዋ ዳኬስ፣ ባዉካ ጉኬስ፣ አጎሮይካ ኢቴስ። ሺን ማልዓንቶ ዎይኔይ ኦራሳ አጎሮን ቆሌቴስ» ያጊስ።

ሳምባታባ ኤራናው ሺቂዳ አይሻ
(ማቶ 12:1-8፤ ሉቃ 6:1-5)

23 ዮሱሲ ኢሲ ሳምባታ ጋላስ ባንጋ ጋዴ ጊዶራ አዲሺን፣ ኢያ ታማሬቲ ኢያራ ቢሼ ባንጋ ቲያ ሺርኪዲ ሞሶና። 24 ፋሪሳዌቲ ዮሱሳኮ፣ «ሄኮ፣ ኔ ታማሬቲ ሳምባታ ጋላስ ዎጋ ጊዶናባ አይስ አሶና?» ያጊዶሶና።

25 ዮሱሲ ኤንታኮ፣ «ዳዊቴይ ኮሻቲዲ፣ ሚያባ ኮዬዳ ዎዴ ባራ ዴዔይሳታራ ኦሲዳይሳ ናባቢቤኬቲ? 26 አቢያታሪ ካሂኔ ሃላቃ ጊዲዲ ዴዒያ ዎዴ ዳዊቴይ ዎሳ ኬሲ ጌሊዲ፣ ካሂኔታ ሃላሊ ማናፔ አቲን አኒካ ማናው ዎጋ ጊዶናይሳ ጎዳ ሲንሳን ዎሲዳ ዳቡዋ ሚስ፣ ባራ ዴዔይስታስካ ኢሚስ» ያጊስ።

27 ቃሲካ ዮሱሲ ኤንታኮ፣ «ሳምባቲ አሳ ናዓ ጎዓስ ሜዴቲሲፔ አቲን አሲ ሳምባታስ ሜዴቲቤና። 28 ሄሳ ጊሾ፣ አሳ ናዓይ፣ ሃሪ አቶሺን ሳምባታስካ ጎዳ» ያጊስ።

3

ዮሱሲ ኩሼ ጉንዳ ኡራ ፓሲስ
(ማቶ 12:9-14፤ ሉቃ 6:6-11)

1 ዮሱሲ አይሁዴ ዎሳ ኬሲ ሲሚ ጌሊስ። ያን ኩሼይ ጉንዲዳ ኢሲ ኡራይ ዴዔስ። 2 ኢሲ ኢሲ አሳይ ዮሱሳ ሞታናው ኮዬዲ፣ ኩሼይ ጉንዲዳ ኡራ ሳምባታ ጋላስ ኢ ፓሲኮኔ አጊኮ ቤዓናው ኮዬዲ ሚንሲዲ ናጎሶና። 3 ዮሱሲ ኩሼይ ጉንዲዳ ኡራ፣ «ዴንዳ ኤቃዳ ሃ ሲንፅ ያ» ያጊስ። 4 ሄሳፌ ጉዬ፣ አሳኮ፣ «ሳምባታ ጋላስ ሎዎባ አሴይሲ ዎጌዬ ኢታባ አሴይሲ ዎጌ? አሳ ሽምፖ አሾዬ ዎይኮ ዎዶ?» ያጊዲ አይቺስ።

ሺን አሳይ ሲዲ ጊስ። 5 ዮሱሲ ሃንቄቲዲ፣ ኤንታ ዮሺ አሲ ሄሊዲ፣ ኤንቲ አዲን ሲዎናይሳታ ጊዲያ ጊሾ ኤንታ ቦላ ዳሮ አዛኒስ። ሄ አዲያኮ፣ «ኔ ኩሺያ ፒዲ አሳ» ያጊስ። ኡራይ ፒዲ አሲን ኢያ ኩሼይ ፓሂስ። 6 ኤሌሲዲ ፋሪሳዌቲ አይሁዴ ዎሳ ኬሳፌ ካሬ ኬዬዲ፣ ዮሱሳ ዋቲ ዎዳኔኮ ማቄታናው ሄሮዲሳ ባጋታራ ኢሲ ሶ ሺቂዶሶና።

አሳይ ዮሱሳኮ ሺቂዶሶና

2:23 ዛሬ 23:25 2:25 1ሳሙ 21:1-6 2:26 ሌዌ 24:9

7 ዮሱሲ ባ ታማሬታራ ጋሊላ አባኮ ቢስ። ጋሊላፔኔ ዩሁዳፔ ዩዳ ዳሮ አሳይ ኢያ ካሊዶሶና። 8 ቃሲካ ዮሩሳላሜፔ፥ ኢዱሚያሳፔ፥ ዮርዳኖሴ ሻፋ ፒንሳፌ፥ ዓሮሳ ካታማፔኔ ሲዶና ካታማፔ ዮሱሲ አሲዳባ ሲዒዲ፥ ዳሮ አሳይ ኢያኮ ዩዶሶና። 9 አሳ ዳሮቴሳፌ ዴንዶይሳን ኢያ ኡንዔሶና ሜላ ኢያ ታማሬቲ ዎንሎ ኢያው ገገሳና ሜላ ኪቲስ። 10 ዳሮ አሳ ኢ ፓሲዳ ጊሾ ሃርጊያ አሳ ኡባይ ኢያ ቦቻናው ሱጌቶሶና። 11 ቴና አያናይ አይኪዳ አሳቲ ኢያ ቤዒዳ ዎዴ ኢያ ሲንሳን ኩንዲዲ፥ ባንታ ቃላ ዶቁ አሲዲ፥ «ኔኒ ዶሳ ናዓ ጊዲኪ?» ያንሶና።

12 ዮሱሲ ሄ ቴና አያናቲ ባናቴሳ አዴስካ ቆንጨሶና ሜላ ኤንታ ሚንሲዲ ሃንቄቲስ።

ዮሱሲ ታማኔ ናምዑ ሃዋሬታ ዶሪስ

(ማቶ 10:1-4፤ ሉቃ 6:12-16)

13 ዮሱሲ ዴሪያ ቦላ ኬዩዲ፥ ባ ኮዩዳ አሳታ ባኮ ዩጊስ፤ ኤንቲካ ኢያኮ ቢዶሶና። 14 ኤንቲ ባራ ዳና ሜላኔ ቃላ ታማርሳና ሜላ ታማኔ ናምዓታ ዶሪዲ፥ ኤንታ፥ «ሃዋሬታ» * ጊዲ ሱንሲስ። 15 ቴና አያናይ ኬሳና ሜላ ኤንታው ማታ ኢሚስ።

16 ኢ ዶሪዳ ታማኔ ናምዓቲ ሃይሳታ፡ ጴዳሮሳ ያጊዲ ሱንሲዳ ሲሞና፥ 17 ቦዓኔርጌስ (ዳዳ ዳኒያ አሳታ) ያጊዲ ሱንሲዳይሳታ፥ ዛብዲዮሳ ናይታ ያይቆባኔ ያይቆባ ኢሻ ዮሃኒሳ፥ 18 ኢንዲሪያሳ፥ ፊልጶሳ፥ ባርቶሎሚዮሳ፥ ማቶሳ፥ ቶማሳ፥ ኢልፊዮሳ ናዓ ያይቆባ፥ ታዲዮሳ፥ ባ ቢታስ ሚቬቲያ ሲሞና፤ 19 ዮሱሳ አሲ ኢሚዳ አስቆሮታ ዩሁዳ።

ዮሱሳኔ ቢዔልዜቡላ

(ማቶ 12:22-32፤ ሉቃ 11:14-23፤ 12:10)

20 ሄሳፌ ጉዩ፥ ዮሱሲ ሶ ቢስ። ቃሲ ዳሮ አሳይ ሺቂን፥ ኢኔ ኢያ ታማሬቲ ሃሪ አቶሺን ካሲ ማናውካ ዳንዳዒቡና። 21 አሳይ ኢያ፥ «ጎዩስ» ጊያ ጊሾ ኢያ ዳቦቲ ሄሳ ሲዒዲ ኢያ ኤካናው ቢዶሶና።

22 ሂጌ አስታማሬታፔ ኢሶቲ ኢሶቲ ዮሩሳላሜፔ ዩዲ፥ «ኢያ ቦላ ቢዔልዜቡሊ ዴዔስ»፥ ኢ፥ «ፃላሄይ ዎልቃን ቴና አያናታ ኬሴስ» ያጊዲ አዴቲዶሶና።

23 ዮሱሲ አሳ ባኮ ዩጊዲ ሌሚሶ አዲስ። «ፃላሄይ ፃላሄ ዋቲ ኬሳናው ዳንዳዒ?» 24 ኢሲ ካዎቴሳይ ባ ጊዶን ሻኬቲኮ ሄ ካዎቴሳይ ኤቃናው ዳንዳዒና። 25 ሄሳዳካ፥ ኢሲ ኬሳ አሳይ ባንታ ጊዶን

3:9 ግር 4:1፤ ሉቃ 5:1-3 * 3:14 ሃዋሬ፡ ሃዋሬ ጉሳይ ኪቴቲዳይሳ ጉሶ።
3:22 ማቶ 9:34፤ 10:25

ሻኬቲኮ ጳዖና፤ ከተን ዳናው ዳንዳዎኮና። 26 ሂዛ፤ ፃላሄይ ባራ ካጩቲዲ ሻኬቲኮ ጳዖ፤ ከተን ዳናው ዳንዳዎና።

27 «ሺን ኮይሮቲዲ ዎልቃማ ኡራ ቃቾና ዴዲሼ ኢያ ኬሳ ጌሊዲ፤ ኢያ ሚሺያ ቦንቃናው ዳንዳዲያ አሲ ባዎ። ቃቺ ሲሚዲ ኢያ ኬሳ ቦንቃናው ዳንዳዔስ።

28 «ታኒ ሂንቴው ቱማ አዳይስ፤ ያሳይ አሳ ናይታስ ናጋራ ኡባኒ ኤንቲ ጫያ ጫሼ ኡባ አቶ ጋና። 29 ሺን ጌሻ አያና ቦላ ኢታባ አዴቲያ አዴስካ ሜሪና ናጋራ ጊዳና፤ ከተን ያሳይ ኡባራካ ኢያ ማሬና» ያጊስ። 30 ዩሱሲ ሄሳ ጊዳይ፤ ኢሲ ኢሲ አሳቲ፤ «ኢያ ቦላ ቱና አያናይ ዴዔስ» ያጊዳ ጊሾሳ።

ዩሱሳ አዩወኔ ኢያ ኢሻታ
(ማቶ 12:46-50፤ ሉቃ 8:19-21)

31 ኢያ አያኔ ኢያ ኢሻቲ ዩዲ ካሬን ኤቂዲ፤ ኢያኮ አሲ ኪቲዲ ኢያ ዩጊዶሶና። 32 ኢያ ማታን ኡቲዳ ዳሮ አሳቲ፤ «ሄኮ፤ ኔ አዩራኔ ኔ ኢሻታራ ካሬን ኤቂዲ ኔና ኮዮሶና» ያጊዶሶና።

33 ዩሱሲ ዛሬዲ፤ «ታ አያ አኔ? ቃሲ ታ ኢሻቲ አናንቴ?» ያጊስ። 34 ባ ማታን ኡቲዳ አሳ ዩሺ አሲ ዩሊዲ፤ «ሄኮ፤ ታ አያአኔ ታ ኢሻቲ ሃይሳታ። 35 ያሳይ ሼኒያ አሲያ ኡባይ ታ ኢሻ፤ ታ ሚቾኔ ታ አዩ» ያጊስ።

4

ዜሬሲ ዜሪያ ኡራ ሌሚሶ
(ማቶ 13:1-9፤ ሉቃ 8:4-8)

1 ዩሱሲ ዛሬዲ ጋሊላ አባ ማታን ታማርሴስ፤ ዳሮ አሳይ ኢያ ዩሹዎን ሺቂን፤ አባን ዴዲያ ዎንሉዎ ጊዶ ጌሊዲ ኡቲስ፤ አሳ ኡባይ አባ ማታን ዴዔስ። 2 ኢ ኤንታ ዳሮባ ሌሚሶን ታማርሴስ፤ ታማርሴሼ ሃይሳዳ ያጊስ።

3 «ሲዲቴ! ኢሲ ኡራይ ዜሬሲ ዜራናው ኬዩስ። 4 ኢ ዜሪሺን፤ ኢሲ ኢሲ ዜሬሳይ አጌ ጋፃን ዎዲስ፤ ካፎቲ ዩዲ ሚዶሶና። 5 ኢሲ ኢሲ ዜሬሳይ ጋርሳን ሻሎይ ዴዲያ ቢታ ቦላ ዎዲስ፤ ዳሮ ቢቲ ባይና ጊሾ ሄ ዜሬሳይ ኤሌሲዲ ዶሊስ። 6 ሺን አዎ ኪዩዳ ዎዴ ሹሊስ፤ ሎይሲዲ ፃጰ ዩዲቦና ጊሾ ኤሌሲ ሜሊስ። 7 ኢሲ ኢሲ ዜሬሳይ አጉንሳ ጊዶን ዎዲስ፤ ዶሊዳይሳ አጉንሳይ ዲጩዲ ጩሊዳ ጊሾ አይፌ አይፎና አቲስ። 8 ኢሲ ኢሲ ዜሬሳይ አራዳ ቢታን ዎዲዲ ዶሊስ፤ ዲጩዲ ኢሶይ ሃስታማ፤ ኢሶይ

ኡሱፑን ታማ ኢሶይ ዔታ አይፊስ» ያጊስ።⁹ «ሲዲያ ሃይሲ ዴዲያ አኒካ ሲያ» ያጊስ።

ዮሱሲ ሌሚሶን አዲዳ ጋሱዋ
(ግቶ 13:10-17፤ ሉቃ 8:9-10)

¹⁰ ዮሱሲ አዲዳይሳ ሲዲዳ ኢሲ ኢሲ አሳቲኔ ታማኔ ናምዑ ታማሬቲ ዮሱሲ ባርካ ዴዲሺን፣ ኢያኮ ሺቂዲ ሄ ሌሚሱዋ ቢርሼላ አይቺዶሶና። ¹¹ ዮሱሲ ኤንታኮ ሃይሳዳ ያጊስ፡ «ሂንቴው ያሳ ካዎቴላ ፁራ ኤሮይ ኢሜቲስ። ሺን ሃራታስ ካዎቴላፌ ካሬን ዴዲይሳታስ ኡባባይ ሌሚሶን አዴቴስ። ¹² ጋሶይካ፡

«ኤንቲ ዔሎሶና፣ ሺን ዴሞኮና፣
ሲዶሶና፣ ሺን አኬኮኮና፣
ኤንቲ ዴሚያኮኔ አኬኪያኮ፣
ያሳኮ ሲማና
ኢካ ኤንታ ማራናሺን) »
ያጊስ።

ዜሬላ ሌሚሱዋ ቢርሼላ
(ግቶ 13:18-23፤ ሉቃ 8:11-15)

¹³ ዮሱሲ ኤንታኮ፡ «ሃ ሌሚሶይ ሂንቴው ጌሌኔ? ያቲን፣ ሌሚሶ ኡባ ሂንቴ ዋቲ አኬካኔ? ¹⁴ ዜሬይሲ ያሳ ቃላ ዜሬስ። ¹⁵ ቃላይ ዜሬቲያ ዎዴ አጌ ጋዋን ዎዲዳይሳቲ ቃላ ሲዲዳይሳታ። ሺን ያላሄይ ሶሁዋራ ዩዲ፣ ኤንታ ዎዛናን ዜሬቲዳ ቃላ ማጊ ዲጌስ። ¹⁶ ሄሳዳካ፣ ጋርሳን ሻሎይ ዴዲያ ቢታን ዜሬቲዳይሲ ቃላ ሲዲዲ፣ ኤሌሲዲ ኡፋይሳን ኤኬይሳ። ¹⁷ ሺን ኤንታው ሚኖ ያጳይ ባይና ጊሾ ሃዲሳፌ አቲን ጋምዎኮና። ጉላ ዎዴፕ ጉዬ ቃላ ጋሶን ዋዩይ ዎይኮ ጎዲ ጋኪያ ዎዴ ኤሌሲዲ ዱቤቶሶና። ¹⁸ አጉንሳ ጊዶን ዜሬቲዳይሲ ቃላ ሲዲይሳታ። ¹⁹ ሺን ሃ ሳዓ ዴዑዋስ ሂርጎይ፣ ዱሬቴላ ዶሶይኔ ሃራባ አሞቴይሲ ኢያ ዎዛናን ጌሊዲ ቃላ ጩሊያ ጊሾ አይፌ አይፎና አቲስ። ²⁰ ሺን አራዳ ቢታን ዜሬቲዳይሳቲ ቃላ ሲዲዲ ኤኬይሳታ። ኤንቲ ኢሶይ ሃስታማ፣ ኢሶይ ኡሱፑን ታማ ኢሶይ ዔታ አይፊስ» ያጊስ።

ጌማን ዴዲያ ያምፔ
(ሉቃ 8:16-18)

²¹ ዮሱሲ ጉጂዲ፣ «ያምፔ ኤኪዲ፣ ዳቾፌ ዎይኮ አልጋፌ ጋርሳን ዎሲያ አሲ ዴዲ? ድቃ ቤሳን ዎሴኔዬ? ²² ሂዛ፣ ቆሴቲዳባይ

ኡባይ ቆንጩ ኬያና፤ ጌሚዳባይ ኡባይ ኤሬቶና አቴና።
 23 ሲዲያ ሃይሲ ዴዲያ አኒካ ሲያ» ያጊስ።
 24 ቃሲ ኤንታኮ፣ «ሂንቴ ሲዲያባ አኬኪዲ ሲዲቴ! ያሳ ቃላ ሂንቴ ሲዲያሳ ሜላ ኢ ሂንቴው አኬካ ኢማና። ኡባካ ሂንቴው ዳርሲዲ ኢማና። 25 ኢሲባይ ዴዲያ ኡራስ ጉጂ ኢሜታና፣ ባይናይሳፌ ሃሪ አቶሺን፣ ኢያው ዴዲያ ሄ ጉሲያካ ኤኬታና» ያጊስ።

ዲጩያ ዜሬሳ ሌሚሶ

26 ዩሱሲ ዛሪዲ፣ «ያሳ ካዎቴሳይ ባ ጋዴን ዜሬሲ ዜሪያ አሳ ሜላ። 27 ሄ ኡራይ ቃማ ዲስኬስ፤ ዎንታ ዴንዴስ። ኢ ባ ሁዔን ዋኒያኮ ኤሮና ዴዲሺን ሄ ዜሬሳይ ዶሌሲኔ ዲጩስ። 28 ቢታይ ካሲ ባርካ ኢሜስ። ኮይሮ ዶሊዲ ዲጩስ፣ ካሊዲ አይፋናው ጋምቡዌስ፣ ወርሴሳን ኩሜሳ አይፌ አይፌስ። 29 ሺን ካሳይ ጋኪያ ዎዴ ኡራይ ሶሁዋራ ባጫራ ጌሊ አጌስ» ያጊስ።

አይፌ ጉሳ ሚሳ ሌሚሶ

(ማቶ 13:31-34፤ ሉቃ 13:18-19)

30 ዩሱሲ፣ «ኑኒ ያሳ ካዎቴሳ አይ ዳኒስ ጋኔ? ዎይኮ አይቢራ ሌሚሳኔ? 31 ያሳ ካዎቴሳይ አይፌ ጉሳ ሚሲ ዳኒስ። ሄ ሚሳ አይፊያ ዜሪያ ዎዴ ሳዓን ዴዲያ ሚሳ አይፌ ኡባፌ ጉዌስ። 32 ዜሪን ዶሊዲ አታኪልቴ ኡባፌ ጊታቴስ፤ ዳሮ ዳሺ ዳዩስ። ካፎቲ ኢያ ታሺያ ቦላ ኬዲዲ ኡታና ጋካናው ዳዩስ» ያጊስ።
 33 ዩሱሲ ሃይሳ ሜላ ዳሮ ሌሚሶን አሳይ አኬካናው ዳንዳዲያሳ ሜላ ቃላ አዲስ። 34 አሳስ ሌሚሶይ ባይና አዴና። ሺን ዩሱሲ ባ ታማሬታ ዓላላራ ዴዲያ ዎዴ ኤንታው ኡባባ ቢርሺዲ አዲስ።

ዩሱሲ ሆቢያ ሲዲ አሲስ

(ማቶ 8:23-27፤ ሉቃ 8:22-25)

35 ሄ ጋላስ ሳዓይ አማርሲን፣ ዩሱሲ ባ ታማሬታኮ፣ «አባፌ ሄሬንሲ ፒኖስ» ያጊስ። 36 ኢያ ታማሬቲ ዳሮ አሳ ዩጊ አጊዲ፣ ዩሱሲ ካሴ ጌሊ ኡቲዳ ዎንሉዋን ጌሊዲ ዩሱሳ ባንታራ ኤፌዶሶና። ሃራ ዎንሉቲካ ያን ዴዎሶና። 37 ዎልቃማ ኅቴይ ዴንዲዲ፣ ሆቢይ ዎንሉዋ ሸጩን፣ ኩማና ጋካናው ዎንሉዋ ጊዶ ሃሲ ጌሊስ። 38 ሄ ዎዴ ዩሱሲ ዎንሉዋን ጉዩ ባጋራ ቦርኮቲዲ ዲስኪስ። ኢያ ታማሬቲ ኢያ ዴንሲዲ፣ «አስታማሪያው፣ ኑኒ ዳያ ዎዴ ኔ ሲዲ ጋዳ ዌላይ?» ያጊዶሶና።

4:22 ግቶ 10:26፤ ሉቃ 12:2 4:25 ግቶ 13:12፤ 25:29፤ ሉቃ 19:26
 4:29 ኢዩ 3:13

39 ያቲን፥ ኢ ባርኪዲ ጎቲያ፥ «ሲዒ ጋ» ጊዲ፥ አባካ፥ «ዎፑ ጋ» ጊስ፥ ጎቴይካ ሲዒ ጊን ኡባባይ ዎፑ ጊስ፥ 40 ዩሱሲ ባ ታማሬታኮ፥ «አይስ ሃይሳዳ ባቤቲ? ሂንቴው አማኖይ ዋኒዲ ዳዩዴ?» ያጊስ።

41 ኤንቲ ዳሮ ባቢዲ ባንታ ጊዶን፥ «ሃይሲ ሃሪ አቶሺን፥ ጎቴይኔ አባይ ኪቴይይሲ አኔ?» ያጊዶሶና።

5

ቱና አያኒ አይኪዳ ኡራይ ፓጊስ
(ማቶ 8:28-34፤ ሉቃ 8:26-39)

1 ዩሱሲኔ ኢያ ታማሬቲ አባ ፒኒዲ፥ ገርጊሶኔ ጊያ ቢታ ጋኪዶሶና። 2 ዩሱሲ ዎጎሉዋፔ ዎዲያ ዎዴ ቱና አያናይ አይኪዳ ኢሲ ኡራይ ዱፎፔ ኬዩዲ ኢያራ ጋሄቲስ። 3 ሄ ኡራይ ዱፋዋን አቂ ፔዒዲ ዴዔስ፥ ኢያ አኒካ ሳንሳላታን ቃቻናው ዳንዳዔና።

4 ኢ ዳሮ ቶሆ ዱሳኒኔ ሳንሳላታን ቃሼቲዲ ዴዔስ፥ ሺን ሳንሳላታ ዱሴሬሴስ፥ ዱሳ ሜንሴሬሴስ። ኢያ ቴቃናው ዳንዳዒያ አኒካ ባዋ። 5 ኢ ቃማኔ ጋላስ ሄ ዱፋዋኒኔ ዴሬ ቦላ ዋሴስ፥ ባ ቦላካ ሹቻን ጋሬስ።

6 ዩሱሳ ሃሆን ቤዒዳ ዎዴ ዎዒ ቢዲ ኢያ ሲንሳን ጉልባቲስ።

7 ሄ ኡራይ ባ ቃላ ዶቂ አሲዲ፥ «ኡባሬ ቦላ ያሳ ናፃው ዩሱሳ፥ ኔናኔ ታና አይቤ ጋሴይ? ታና ዳይሶና ሜላ ታኒ ኔና ያሳ ሱንሳን ዎሳይስ» ያጊስ። 8 ኢ ሄሳ ጊዳይ ዩሱሲ ኢያ፥ «ላ ሃ ቱና አያናው፥ ሃ አዲያሬ ኬያ» ያጊዳ ጊሾሳ።

9 ዩሱሲ ኢያኮ፥ «ኔ ሱንሳይ አኔ?» ያጊዲ አይቺስ።

ኢ፥ «ኮኒ ዳሮ ጊዲያ ጊሾ ታ ሱንሳይ ሴጊዮና» ያጊስ። 10 ቱና አያናቲ ባንታና ሄ ቢታሬ ኪሲ ዩዶና ሜላ ዩሱሳ ሚንሲዲ ዎሲዶሶና።

11 ሄ ዴሪያ ቦላ ዳሮ ጉዱንሶ ዉዴይ ሃሙቴስ። 12 ቱና አያናቲ ዩሱሳኮ፥ «ኮና ሂኒ ጉዱንሶ ዉዲያኮ ዩዳርኪ፥ ኤንታን ቢዲ ጌሎስ» ያጊዲ ዎሲዶሶና። 13 ዩሱሲ ኤንታኮ፥ «ቢቴ» ያጊስ። ያቲን ቱና አያናቲ አዲያሬ ኬዩዲ ጉዱንሶታን ጌሊዶሶና። ናምፀ-ሙኩሉ ጊዲያ ጉዱንሶ ዉዴይ አፎ ዶናራ ዲርጊዲ ቢዲ አባን ጌሊዲ ሚቴቲዶሶና።

14 ጉዱንሶ ዉዲያ ሄሜይሳቲ ባቃቲ ቢዲ ሃኒዳባ ካታማኒኔ ጋፃሪያን አዲዶሶና። ያቲን አሳይ ሃኒዳባ ቤፃናው ኬዩዶሶና። 15 አሳይ ዩሱሳኮ ያ ዎዴ ቱና አያናን አይኬቲዳ ኡራ ቤዒዶሶና። ኢ ባ ዎዛናኮ ሲሚዲ፥ ማዎ ማዒዲ፥ ያን ኡቴዳይሳ ቤዒዳ ዎዴ ኡባይ ያዩዶሶና። 16 ሄሳ ቤዒዳ አሳቲ ቱና አያናቲ አይኪዳ ኡራ

በላኔ ጉዳን ለታ በላ ሃኒዳባ ኡባ አሳስ አዲዶሶና። 17 ሄሳ ጊሾ፥ አሳይ ባንታ ቢታፊ ዩሱሲ ባና ሜላ ዎሲዶሶና።

18 ዩሱሲ ዎጎሉዋን ጌሊያ ዎዴ ካሴ ቱና አያናይ አይኪዲ ዩዲዳ አራይ፥ ዩሱሳ ካላናው ኢያ ዎሲስ። 19 ሺን ዩሱሲ ኢዲዲ ኢያኮ፥ «ኔ ሶ ሲማዳ፥ ጎዳይ ኔው አይ ሜላ ጊታባ አሲዳኮኔ ኔው አይ ሜላ ኬሂዳኮ ኔ ሶ አሳስ አዳ» ያጊስ። 20 አራይ ቢዲ ታሙ ካታማ ጊያሶን ዩዩዲ፥ ዩሱሲ ባው አይ ሜላ ጊታባ አሲዳኮ አዲስ። ኢ አዲዳይሳ ሲዲዳ አሳ ኡባይ ማላሌቲዶሶና።

ሃይቂዳ ናዲወኔ ዩሱሳ ማዑዋ ቦቺዳ ማጫሲው
(ማቶ 9:18-26፤ ሉቃ 8:40-56)

21 ዩሱሲ ሲሚዲ፥ ዎጎሉዋን ጌሊዲ፥ አባ ፒኒዳፔ ጉዩ ዳር አሳይ አባ ጋንን ኢያ ዩሹዋን ሺቂዶሶና። 22 ኢያሮሳ ጊያ አይሁዴ ዎሳ ኬላ ሃላቃታፔ ኢሶይ፥ ዩሱሳ ቤዲዳ ዎዴ ኢያኮ ዩዲ ኢያ ቶሁዋ በላ 23 ኩንዲዲ፥ «ታ ናዲያ ሃርጋዳ ሃይቃና ሃናውሱ። ኢያ ፓዳዳ ዴዓና ሜላ ያዳ ኔ ኩሺያ ኢ በላ ዎሳርኪ» ያጊዲ ዩሱሳ ሚንሲዲ ዎሲስ።

24 ዩሱሲ ኢያሮሳራ ቢስ። ኢ ቢሺን ዳር አሳይ ኢያ ካሊዲ አንዴሲዶሶና።

25 ታማኔ ናምዑ ላይሲ ኢ በላፊ ሱሲ ጎጊያ ኢሲ ማጫሲያ ዴዓወሱ። 26 ዳር አኪሜቲ ኢዮ አኪሚዶሶና፥ ሺን ኢያ ፓዳ ካዳታሱ። ኢያ ባ ሚሺያ ኡባ ወርሲንካ ኢው ሃ ኢቲስፔ አቲን አይኮካ ማዲቤና። 27 ሄ ማጫሲያ ዩሱሳባ ሲዳዳ፥ አሳ ካንሳዳ ዩሱሳ ጉዩራ ያዳ ኢያ ማዑዋ ቦቻሱ። 28 ኢያ፥ «ታኒ ሃሪ አቶሺን ኢያ ማዑዋ ቦቺያኮ ፓዳና» ጋዳ ቆፓሱ።

29 ኢፔ ጎጊያ ሱሳይ ሶሁዋራ ኤቂ አጊስ። ኢያ ባ ዋያፔ ፓዲዳይሳ ባ አሳቴሳን ኤራሱ። 30 ዩሱሲ ባፔ ዎልቂ ኬዩዳይሳ ባ ሁዔን ኤሪዲ፥ ኤሌሲዲ ዳር አሳ ጊዶን ጉዩ ሲሚዲ፥ «ታ ማዑዋ ቦቺዳይ አኔ?» ያጊስ።

31 ኢያ ታማሬቲ፥ «አሳይ ኔና ሱጌይሳ ቤዓሼ፥ <ዎይጋዳ ታና አኔ ቦቺዳይ ያጋይ?» > ያጊዶሶና።

32 ዩሱሲ ሄሳ አኒ አሲዳኮ ቤዓናው ዩሺ አሲ ያሊስ። 33 ሺን ማጫሲያ ባው ሃኒዳባ ኤራዳ፥ ያሻን ኮኮራሼ ያዳ ዩሱሳ ሲንላን ጉፋናሱ፤ ቃሲ ሃኒዳባ ኡባ ቱማ ኢያው አዳሱ። 34 ያኒን፥ ዩሱሲ ኢኮ፥ «ታ ናቱ፥ ኔና ኔ አማኖይ ፓሲስ፥ ሳሮን ባ፥ ኔ ዋያፔካ ፓዳ» ያጊስ።

35 ዩሱሲ ቡሮ ሄሳ አዲሺን፥ አይሁዴ ዎሳ ኬላ ሃላቃ ሶፔ ኪቴቲዳ አሳቲ ዩዲ፥ «ኔ ናዲያ ሃይቃሱ፥ አስታማሪያ አይስ ዳቡሪሳይ?» ያጊዶሶና።

36 ሺን ዩሱሲ ኤንቲ ጌይሳ ሲሂዲ፥ አይሁዴ ዎሳ ኬላ ሃላቃኮ፥ «አማኖ ሃላላ አማናፔ አቲን ባቦፋ» ያጊስ። 37 ዩሱሲ ጳጊርሳፔ፥ ያይቆባፔን ያይቆባ ኢሻ ዮሃንሳፔ ሃሪ አኒካ ባና ካሎና ሜላ ዲጊስ። 38 ኤንቲ አይሁዴ ዎሳ ኬላ ሃላቃ ሶ ጋኪያ ዎዴ ዩሱሲ አሳይ ካሃ ጳዩዲ ዩኪይሳኔ ዜሌሌይሳ ቤሂስ። 39 ጌሊዲ አሳኮ፥ «አይስ ካሃ ጳዩዲ ዩኪቴ? ናሂያ ጳስካሱፔ አቲን ሃይቃቡኩ» ያጊስ። 40 አሳይ ኢያ ቦላ ሚጫስ። ሺን አሳ ኡባ ካሬ ኬሲዲ፥ ናሜ አዋ፥ አዩጫኔ ሄኹ ታማሬታ ባራ ኤኪዲ ናሂያ ዴሂያሱዋ ጌሊስ። 41 ዩሱሲ ናሜ ኩሺያ አይኪዲ፥ «ፃሊታ፥ ቁሚ» (ጉላ ናቴ፥ ኔና ጋይስ ዴንዳ) ያጊስ። 42 ናሂያ ሶሁዋራ ዴንዳ ኤቃዳ ሃሙታሱ። ኢያ ታማኔ ናምዑ ላይላ ናዓ። ሄሳን አሳይ ዳሮ ማላሌቲዶሶና። 43 ዩሱሲ ሄሳ ኤንቲ አዴስካ አዶና ሜላ ኤንታ ሚንሲ ኪቲስ። ኤንቲ ኢው ሚያባ ኢማና ሜላ አዲስ።

6

ዩሱሲ ናዘሬቴን ኢጌቲስ
 (ማቶ 13:53-58፤ ሉቃ 4:16-30)

1 ዩሱሲ ያፔ ኪዩዲ፥ ባ ታማሬታ ካሌሲዲ፥ ባ ካታማ ናዘሬቴ ቤስ። 2 ሳምባታ ጋላስ አይሁዴ ዎሳ ኬላን ታማርሶ አይኪስ። ኢ ታማርሶይሳ ሲሂዳ ዳሮ አሳይ ማላሌቲዲ፥ «ሃይሲ ሃ ኡባ አውፔ ዴሚዴ? ሃ ጫንጫቴላ ኢ አውፔ ኤኪዴ? ሃ ማላታታ አሲያ ማታ ኢ አውፔ ዴሚዴ? 3 ሃይሲ አናዲያ ጊዴኔ? ማይራሚ ናዓ፥ ያይቆባ፥ ዮሳ፥ ዩሁዳኔ ሲሞና ኢሻ ጊዴኔዩ? ኢያ ሚቼቲ ኑራ ሃይሳን ዴዎኮናዩ?» ያጊዲ፥ ኢ ጊያባ ኤኮና ኢዲዶሶና። 4 ዩሱሲ ሄ አሳኮ፥ «ናቤይ ባ ቢታን፥ ባ ዳቦታኒኔ ባ ሶ አሳን ቦንቹቴናፌ አቲን ሃራታ ማታን ቦንቹቴስ» ያጊስ። 5 ኢ ሄ ቤሳን ባ ኩሺያ ጉላ አሳ ቦላ ዎሲዲ ፓሲዳይሳፌ አቲን ሃራ ማላታታ አላናው ዳንዳሂቤና። 6 አሳይ አማኒቦና ጊሾ ዳሮ ማላሌቲስ።

ዩሱሲ ታማኔ ናምዑ ሃዋሬታ ኪቲስ
 (ማቶ 10:5-15፤ ሉቃ 9:1-6)

ሄሳፌ ጉዩ፥ ዩሱሲ ሄ ሄራን ዴሂያ ጉታታን አሳ ታማርሶስ። 7 ዩሱሲ ታማኔ ናምዑ ታማሬታ ባኮ ጸጊዲ፥ ናምዓ ናምዓ ጋሲዲ ኪቲስ። ኤንታው ቱና አያናታ ኬሲያ ዎልቃ ኢሚስ። 8 ኤንታ፥ «አጌ ሃምዓፌ አቲን ካሲ፥ ካርዲታ፥ ሂንቴ ኪሴን ሚሼ አይቤባካ አይኮሬቴ። 9 ሂንቴ ቶሁዋን ጫማ አሲቴ፥ ሺን ናምዑ አፊላ

አይኮፊቱ» ያጊስ። 10 ቃሲካ፥ «ሂንቴና አሲ ሞኪዳ ሶ አወንካ ጊዲን ሄ ቤሳ ዩዲዲ ባና ጋካናው ሄ ኬሳን ጋምዲቴ። 11 ሂንቴና አሲ ሞኮናሱዋ ዎይኮ ሂንቴ አዲያባ ሲያናሱዋ አወን ጊዲኮካ፥ ሄ ቢታን ዴዲያ አሳስ ሄሲ ናጊሶ ግርካ ጊዳና ሜላ ሄ ቤሳፌ ኬዩሼ፥ ሂንቴ ቶሁዋፕ ባና ፒቴቴ» ያጊስ።

12 ታማኔ ናምዑ ታማሬቲ ቢዲ፥ አሳይ ባንታ ናጋሬፕ ሲማናዳ ቃሳ አዲዶሶና። 13 ኤንቲ አሳፕ ዳሮ ቴና አያናታ ኬሲዶሶና፥ ዳሮ ሃርጋንቾታ ዛይቴ ቴዩዲ ፓሲዶሶና።

ፃማቂያ ዮሃንሳ ሃይቁዋ

(ግቶ 14:1-12፤ ሉቃ 9:7-9)

14 ዩሱሳ ሱንሳይ ኡባ ቤሳን ኬዩዳ ጊሾ ካዎይ ሄሮዲሲ ኢያባ ሲዲስ። ኢሲ ኢሲ አሳይ፥ «ፃማቂያ ዮሃንሲ ሃይቁፕ ዴንዲስ፥ ሄሳ ጊሾ ሃ ማላታታ አሴይ ኢያ» ያጊዶሶና።

15 ባጋቲ፥ «ሃይሲ ኤሊያሳ ጊዴኔ?» ያጊዶሶና።

ሃራቲ ቃሲ፥ «ሃይሲ ቤኒ ዎዴ ናቤታፕ ኢሱዋ ጊዶና አጌና» ያጊዶሶና።

16 ሺን ሄሮዲሲ ሄሳ ሲዲዳ ዎዴ «ሃይሲ ታኒ ቆዲያ ቃንጊሲዳ ፃማቂያ ዮሃንሳ ጊዴኔ? ኢ ሃይቁፕ ዴንዲስ» ያጊስ።

17 ሄሮዲሲ ባ ኢሻ ፊልጶሳ ማቺው ሄሮዲያዳ ኤኪዳ ጊሾ ኢ ጋሶን ዮሃንሳ አይሲዲ ቃሺሲስ። 18 ዮሃንሲ ሄሮዲሳ፥ «ኔኔ ኔ ኢሻ ማቺው ኤካናው ቤሴና» ያጊስ።

19 ሄሮዲያዳ ዮሃንሳ ባ ኡሎን ሞርካዳ ኢያ ዎዲሳናው ኮያሱ፥ ሺን ዳንዳዓቡኩ። 20 ዮሃንሲ ጊሎኔ ጌሻ አሲ ጊዲዳይሳ ሄሮዲሲ ኤሪዳ ጊሾ ኢያው ባቢዲ ሎይሲ ናጊሴስ። ሄሮዲሲ ዮሃንሲ ጊያባ ሲዳናው ዶሲኮካ ኢ ጊያባ ሲዲያ ዎዴ ዳሮ ዳጋሜስ።

21 ሄሮዲሲ ባ ዩሌቲዳ ጋላሳ ቦንቻናው ዴሪያ ሃራይሳታስ፥ ሻላቃታሲኔ ጋሊላን ዴዲያ ጊታ አሳስ ኢማቶ ጊጊሲስ። ሄሲ ሄሮዲያዳስ ኢንጄ ጋላስ ጊዲስ። 22 ሄሮዲያዳ ናዲያ ኢማሳይ ሞኬቲያ ቤሳ ጌላ ዱራዳ፥ ሄሮዲሳኔ ኢያ ኢማሳታ ኡፋይሳሱ። ካዎይ ናዲው፥ «ኔ ኮያባ አይባ ጊዲኮካ ታና አይቻ፥ ታኔ ኔው ኢማና» ያጊስ። 23 ቃሲ ኢው ጫቂዲ፥ «ኔኔ አይቺያባ አይባ ጊዲኮካ፥ ታኔ ኔው ኢማና። ሃሪ አቶሺን፥ ታ ካዎቴላ ባጋ ጊዲኮካ ታኔ ኔው ኢማና» ያጊስ።

24 ናዲያ ካሬ ኬያዳ ባ አዩኮ፥ «አይ ኢማ ጎ?» ጋዳ አይቻሱ። ኢ አያ፥ «ፃማቂያ ዮሃንሳ ሁዲያ ኢማ ጋ» ያጋሱ።

6:11 ሃ.አ 13:51 6:13 ያይ 5:14 6:14 ግቶ 16:14፤ ግር 8:28፤ ሉቃ 9:19 6:18 ሉቃ 3:19-20

25 ናዒያ ኤላሳዳ ካዉዋኮ ባዳ፥ «ፃማቂያ ዮሃንሳ ሁዒያ ሳኔን ዎሳዳ ሃዒ ታው ኢማና ሜላ ኮያይስ» ያጋሱ።

26 ያኒን ካዎይ ዳሮ ቂሮቲስ፥ ሺን ባ ኢማሳታ ጊሾ ኢው ጫቂዳ ባ ጫቂዋ ሜንጎላናው ኮዩቤና። 27 ሄሳ ጊሾ፥ ኤሌሲዲ ናጌይሳ ዮሃንሳ ሁዒያ ኤሃና ሜላ ኪቲስ። ናጌይሲ ቃሾ ኪሲ ቢዲ ዮሃንሳ ቆዲያ ቃንጊስ። 28 ሄ ቃንጊቲዳ ሁዒያ ሳኔን ዎሳ ኤሂዲ ናዒስ ኢሚስ። ናዒያ ቃሲ ባ አዩስ ኢማሱ። 29 ዮሃንሳ ታማሬቲ ሄሳ ሲዒዳ ዎዴ ቢዲ ኢያ አሃ ኤኪ ኤፊዲ ሞጊዶሶና።

ዮሱሲ ኢቻሹ ሙኩሉ አሳ ሙዚስ
(ማቶ 14:13-21፤ ሉቃ 9:10-17፤ ዮሃ 6:1-14)

30 ታማኔ ናምዑ ሃዋሬቲ ሲሚ ዩዲ ኤንቲ አሲዳባኔ ታማርሲዳባ ኡባ ዮሱሳስ አዲዶሶና። 31 ኤንታኮ ያ አሳይኔ ቢያ አሳይ ዳሪዳ ጊሾ ዮሱሳራኔ ኢያ ታማሬታራ፥ ሃሪ አቶሺን ካሲ ማናዉካ ኤንታ ጋሶና ኢጊስ። ያኒን፥ ዮሱሲ ኤንታኮ፥ «ጉርካ ጉሲ ሽምፔ ኤካናው አሲ ባይና ቤሲ ዮዲቴ» ያጊስ። 32 ሄሳ ጊሾ፥ ኤንቲ ባንታርካ ዎንሎን ጌሊዲ አሲ ባይና ቤሲ ቢዶሶና።

33 ኤንቲ ቢሺን ዳሮ አሳይ ኤንታ ቤዒዲ ኤሪዶሶና። ያቲን፥ ካታማ ኡባፌ አሳይ ቶሆራ ዎጊ ቢዲ ኤንቲ ቢያሱዋ ኤንታፌ ሲንሴ ጋኪዶሶና። 34 ዮሱሲ ዎንሎዋፔ ዎዲዲ ዳሮ አሳ ቤዒስ። አሳይ ሄሚያ አሲ ባይና ዶርሳ ሜላ ጊዲዳይሳ ቤዒዲ ኤንታው ቃዴቲዲ ኤንታ ዳሮባ ታማርሲስ።

35 ሳዳይ አማርሲያ ዎዴ ዮሱሳ ታማሬቲ ኢያኮ ዩዲ፥ «ሃይሲ ቤሳይ አሲ ባይና ቤሲ፤ ሃዒ ሳዳይካ ቃሚስ። 36 አሳይ ጉታታኔ ካታማታ ቢዲ ባንታው ሚያባ ሻማና ሜላ አሳ ዮዳ» ያጊዶሶና።

37 ሺን ዮሱሲ ዛሪዲ ኤንታኮ፥ «አሳስ ሚያባ ሂንቴ ኢሚቴ» ያጊስ።

ኤንቲ፥ «ኑኒ ቢዲ ናምዑ ዪቴ ዲናሬን ኡይሉ ሻሚዲ አሳ ሙዛና ሜላ ኮያይ?» ያጊዲ አይቺዶሶና።

38 ዮሱሲ ኤንታኮ፥ «ሂንቴው አፑን ኡይሲ ዴዒ? አኔ ቢዲ ቤዒቴ» ያጊስ።

ኤንቲ ቤዒዲ፥ «ኢቻሹ ኡይሉኔ ናምዑ ሞሎ» ያጊዶሶና።

39 ዮሱሲ ባ ታማሬታ አሳ ኡባ ጩጋን ጩጋን ሻኪዲ ማታን ኡቲሳና ሜላ ኪቲስ። 40 አሳይ ባጋይ ዪታ፥ ባጋይ ኢሻታማ ጊዲዲ ጩጋን ጩጋን ሻኪቲዲ ኡቲዶሶና። 41 ዮሱሲ ኢቻሹ ኡይሳኔ ናምዑ ሞሎታ ኤኪዲ፥ ፑዴ ሳሎ ዪሊዲ ያሳ ጋሳቲስ። ኡይሳ ሜንሲዲ አሳስ ጊሻና ሜላ ባ ታማሬታስ ኢሚስ። ቃሲ ናምዑ

ሞሎታ ኤንታ ኡባስ ሻኪስ።⁴² አሳ ኡባይ ሚዲ ካሊዶሶና።⁴³ አቲዳ ኡይሳ ቲፊያኔ ሞሎታ ቲፊያ፤ ኢያ ታማሬቲ ታማኔ ናምዑ ጋይታ ኩሜሲ ዴንሲዶሶና።⁴⁴ ኡይሳ ሚዳ አዴ አሳ ታይቦይ ኢቻሹ ሙኩሉ።

ዮሱሲ አባ ቦላራ ሃሙቲስ
(ማቶ 14:22-33፤ ዮሃ 6:15-21)

⁴⁵ ኤሌሲዲ ዮሱሲ ባ ታማሬቲ ምጎሎዋን ጌሊዲ፤ አባፌ ሄፊንሳን ዴዲያ ቤቴሳይዳ ባፔ ሲንሳቲዲ ባና ሜላ ኪቲስ። ሺን ባው አሳ ሞይዛናው ጉዬ አቲስ።⁴⁶ አሳ ሞይዚዳፔ ጉዬ ያሳ ምሳናው ዴሪያ ቦላ ኪዩስ።

⁴⁷ ሳዓይ ቃሚያ ምዴ ምጎሎይ አባ ጊዶን ዴዴስ፤ ሺን ዮሱሲ አባፌ ጋዋን ባርካ ዴዴስ።⁴⁸ ጫርኮይ ኢያ ታማሬታኮ ጫርኪያ ጊሾ አባ ፒዶይ ዋይሴይሳ ዮሱሲ ቤዲስ። ምንቲማሴ ሳዓይ ጌያና ሃኒያ ምዴ ኢ አባ ቦላ ሃሙቲሽ ኤንታኮ ዩዲ፤ ኤንታ ዩጊዲ አዳናው ኮዩስ።⁴⁹ ሺን ኢ አባ ቦላ ሃሙቲሺን፤ ኤንቲ ቤዲዲ፤ ኤንታው ሞይቲሌ ዳኒን ዋሲዶሶና።⁵⁰ ኤንቲ ኡባይ ኢያ ቤዲዲ፤ ያሻን ኮኮሪዶሶና።

ሺን ዮሱሲ ኤሌሲዲ ኤንታኮ፤ «ታና፤ አይኮይ ባዋ፤ ያዮፊቴ» ያጊስ።⁵¹ ዮሱሲ ምጎሎዋን ጌሊዲ ኤንታራ ኢሲፌ ኡቲን ጫርኮይ ምፑ ጊስ። ኤንቲ ዳሮ ማላሌቲዶሶና።⁵² ኤንታ ምዛናይ ዜልዑሚዳ ጊሾ ኤንቲ ኡይሳባ አኬኪቦኮና።

ዮሱሲ ጌንሳሬዌን ሃርጋንቾታ ፓሲስ
(ማቶ 14:34-36)

⁵³ ኤንቲ አባ ፒኒዲ፤ ጌንሳሬዌ ቢታ ጋኪዲ፤ ምጎሎዋ ጋዋ ሺሺዲ ቃቺዶሶና።⁵⁴ ኤንቲ ምጎሎዋፔ ምዲያ ምዴ አሳይ ኤሌሲዲ ዮሱሳ ኤሪዶሶና።⁵⁵ ኤንቲ ሄራን ዴዲያ ቢታ ኡባን ምጫሬቲዲ ሃርጋንቾታ ሃላን ቶኪዲ፤ «ዮሱሲ ዴዴስ» ጊን ሲዲዳ ቤሳ ኤሂዶሶና።⁵⁶ አሳይ ኢ ቢዳ ሶ ኡባን፤ ጋዳሪያን ጊዲን፤ ካታማን፤ ዴዲያ ሃርጋንቾታ ዳባባ ኤፎሶና። ሃርጋንቾቲ ኢያ አፊላ ማጫራ ጊዲኮካ ቦቻና ሜላ አሳይ ኢያ ምሲዶሶና። ቦቺዳ ኡባይ ፓዲስ።

7

ቤኒ አዋታ ምጋ
(ማቶ 15:1-9)

¹ ዮሩሳላሜፔ ዩዳ ጉሳ ፋሪሳዌቲኔ ሂጌ አስታማሬቲ ዮሱሳ ማታን ሺቂዶሶና።² ዮሱሳ ታማሬታፔ ኢሶቲ ኢሶቲ ጌዮና ኩሺያን፤ ሄሲካ ኩሹ ሜጩቶና ካሲ ሜይሳታ ቤዲዶሶና።

3 ፋሪሳዌቲኔ አይሁዴ አሳ ኡባይ ባንታ አዋታ ዎጋሶ ባንታ ኩሺያ ሜጩቶና ሞኮና። 4 ሄሳዳካ፣ ኤንቲ ጊያፔ ሻሜቲዳባ ሜጩና ዴዲሼ ሞኮና። ቃሲ ኤንቲ ባንታ አዋታፔ ኤኪዳ ሃራ ዳሮ ዎጊ ዴዴስ፣ ሄሲካ ሲኒያ፣ ኬሪያ፣ ቢራታ ሚሼታኔ አርሳ ሜጩያ ዎጋ ናጌይሳ።

5 ፋሪሳዌቲኔ ሂጌ አስታማሬቲ ዩሱሳ፣ «ኔ ታማሬቲ አይስ አዋታ ዎጋ ሜንሲዲ ባንታ ኩሺያ ሜጩቶና ካሲ ሞና?» ያጊዲ አይቺዶሶና።

6 ዩሱሲ ኤንታኮ፣ «ኢሳያሲ ሂንቴና ጩቦታ፣

ሃይሲ አሳይ ታና ባ ኢንፃርሳ ፃላላን ቦንቼስ፣

ሺን ኤንታ ዎዛናይ ታፔ ሃሆን ዴዴስ።

7 አሲ ሜዲዳ ዎጋ ያሳ ሂጌ ዳኒሲዲ ታማርሲያ ጊሾ

ኤንቲ ታና ሜላ ጎይኖሶና)»

ጊዲ ፃፊዳይሲ ቱማ።

8 «ሂንቴ ያሳ ኪታ አጊዲ አሳ ዎጋ ሚንሲዲ ናጌታ» ያጊስ።

9 ቃሲካ ዩሱሲ፣ «ሂንቴ ሂንቴ ዎጋ ናጊዲ ያሳ ኪታ ዩጊ አጋናው ሎዎ አጌ ዴሚዴታ። 10 ሙሴይ፣ «ኔ አዋኔ ኔ አዩው ቦንቻ»፣ ቃሲ «ባ አዋኔ ባ አዩው ጫዩይሲ ሃይቃናው ቤሴስ» ያጊስ። 11 ሺን ኢሲ አሲ ባ አዋ ዎይኮ ባ አዩው ማዳናይሳ አጊዲ፣ «ሄሲ ያሳ ያርሾ» ጊኮ፣ 12 ኢ ባ አዋ ዎይኮ ባ አዩው ማዶና ሜላ አሴታ። 13 ሄሳዳካ፣ ሂንቴ ሃራታ ታማርሲዳ ሂንቴ ዎጋን ያሳ ቃላ ካዲዴታ። ሄሳ ሜላ ሃራ ዳሮባ አሴታ» ያጊስ።

አሴ ቱኒሲያባታ
(ማቶ 15:10-20)

14 ዩሱሲ ዳሮ አሳ ቃሲካ ባኮ ያጊዲ፣ «ኡባይ ታኔ አዴይሳ ሲዲቱኔ አኬኪቱ። 15 አሳ ዎዛናፔ ኬያባይ አሴ ቱኒሲፊፔ አቲን ካሬፔ አሳ ኡሎ ጌሊዲ አሴ ቱኒሲያባይ አይቢካ ባዋ። 16 ሲዲያ ሃይሲ ዴዲያ አኒካ ሲዎ» ያጊስ።

17 ዩሱሲ ዳሮ አሳ ዩጊ አጊዲ ሶ ጌሊን ኢያ ታማሬቲ ሄ ሌሚሱዋባ ኢያ አይቺዶሶና። 18 ኢ ኤንታኮ፣ «ሂንቴወካ ቃሲ ጌሊቤኔ? ካሬፔ አሳ ዎዛናን ጌሊያባይ አይቢካ አሴ ቱኒሳናው ዳንዳዎናይሳ አኬኪቲ?» 19 አይስ ጊኮ፣ ካሲ አሳ ኡሎ ጊዶ ጌሊዲ ካንሲዲ አዴሲፔ አቲን አሳ ዎዛና ጊዶ ጌሌና» ያጊስ። ሄሳን ዩሱሲ ካሲ ኡባይ ጌሺ ጊዴይሳ ኤሪሲስ።

20 ካሊዲካ፣ ዩሱሲ፣ «አሳ ቱኒሲያባይ አሳ ዎዛና ጊዶፊ ኬያባ። 21 አሳ ዎዛና ጊዶፊ ኬያባይ ኢታ ቆፋ፣ ላይማቴሴ፣

7:6 ኢሳ 29:13 7:10 ኬሳ 20:12፣ ዛሬ 5:16፣ ኬሳ 21:17፣ ሌዌ 20:9

ካይሶ፣ አሴ ዎዶ፣ ላሜ፣ 22 ኢታ አሞ፣ ኢታቴሲ፣ ጌኔ፣ ቃይዔ፣ ጨሞ፣ ቃናቴ፣ ጫሼ፣ ኦቶሮኔ ቦዛቴሲ። 23 ሃ ኢታባይ ኡባይካ አሳ ዎዛና ጊዶፊ ኬዩዲ አሴ ቱኒሴስ» ያጊስ።

ኢሲ ማጫሴ አማኑዋ
(ማቶ 15:21-28)

24 ዩሱሲ ያፔ ኬዩዲ፣ ሂሮሳ ካታማ ማታን ዴዒያ ቢታ ቢስ። ኢ ኢሲ ኬሲ ጌሊዲ ያን ዴዒይሳ እኒካ ኤራና ሜላ ኮዩቢና። ሺን ቆሴቲዲ ጋምዓናው ዳንዳዒቤና። 25 ሺን ኢ ጉላ ናዒው ቱና አያናይ አይኪዳ ኢሲ ማጫሲያ ዩሱሳባ ሲዓዳ ኤሴሳ ኢያኮ ያዳ ኢያ ቶሁዋ ቦላ ኩንዳሱ። 26 ኢያ አይሁዴ ማጫሲ ጊዱኩ፤ ኢያ ዩሴቲዳይ ሲሮፊንቄ ጊያ ቢታና። ኢያ፣ ባ ናዔፔ ቱና አያና ኬሳና ሜላ ዩሱሳ ዎሳሱ።

27 ሺን ዩሱሲ ዛሪዲ፣ «ናይቲ ኮይሮቲዲ ካላ ካሎ፤ ናይታ ካላ ኤኪዲ ካናታስ ዩጌይሲ ሎዎ ጊዴና» ያጊስ።

28 ማጫሲያ ዛሪዳ፣ «ታ ጎዳው ሄሲ ቱማ፣ ሺን ጋይታ ማታን ዴዒያ ካናቲ ናይታፔ ዎዲያ ቲፊያ ሞሶና» ያጋሱ።

29 ዩሱሲ ቃሲ ኢኮ፣ «ሃ ኔ ቃላ ጊሾ ኔ ሶ ባ፤ ቱና አያናይ ኔ ናዔፔ ኬይስ» ያጊስ።

30 ማጫሲያ ባ ሶ ቢያ ዎዴ ቱና አያናይ ኢፔ ኬዩን ሂፃን ዚንዒዳሮ ዴማሱ።

ዩሱሲ ቱሴኔ ሙሜ ኡራ ፓሲስ

31 ዩሱሲ ሂሮሳ ካታማፔ ኬዩዲ፣ ሲዶናራኔ ታሙ ካታማታ ጊያ ቢታራ ካንሲዲ ጋሊላ አባኮ ቢስ። 32 አሳይ ቱሴኔ ዋዩዲ አዴቲያ አሲ ዩሱሳኮ ኤሂዲ፣ ባ ኩሺያ ኢያ ቦላ ዎሳና ሜላ ኢያ ዎሲዶሶና። 33 ዩሱሲ ባርካ ሄ ኡራ ዳሮ አሳፔ ጋፃ ኬሲዲ፣ ባ ቢራዲያ ኢያ ሃይሳን ዩዲስ። ቃሲ ጩቺ ጩቲዲ ኢያ ኢንፃርሳ ቦቺስ። 34 ሳሎ ፑዴ ያሊዲ፣ ቶኪ ሺምፕዲ፣ «ኤፍታህ» ጊስ። ቢርሼሳይካ «ዶዩታ» ጉሱ። 35 ኡራ ሃይሳይ ኤሴሲዲ ዶዩቲስ፣ ቃሼቲዳ ኢንፃርሳይካ ቢርሼቲስ፣ ኡራይ ጌሺዲ አዴቲስ።

36 ዩሱሲ አሳኮ፣ «ሃይሳ አዴስካ አዶፕቱ» ያጊስ። ሺን ኢ ዳሮ ሚንሲዲ አዶፕቱ ጊን፣ አሳይ አዳ ያ ዳርሲስ። 37 ሄሳ ሲዒዳ አሳ ኡባይ ዳሮ ማላሌቲዲ፣ «ኡባባ ኢ ሎይሲ አሴስ። ሃሪ አቶሺን፣ ቱሊያ ሲሴስ፣ ሙሚያ አዲሴስ» ያጊዶሶና።

ዩሱሲ አይዱ ሙኩሉ አሳ ሙዚስ
(ማቶ 15:32-39)

1 ጉላ ዎዴፕ ጉዩ፥ ዳሮ አሳይ ዩሱሳኮ ሺቂዶሶና፥ አሳስ ሚያባይ ዳዩን ዩሱሲ ባ ታማሬታ ባኮ ዌጊዲ፥ 2 «ሃ አሳይ ታራ ሄኹ ጋላስ ጋካናው ጋምዒዲ፥ አይኮካ ሚያባ ዴሚቦና ጊሾ ታና አሳይ ቃዴሴስ፥ 3 ታኒ አሳ ኮሻራ ሶ ዩዲኮ አሳይ ቢሼ ኦጌን ዳቡሪዲ ኩንዳና፥ ባጋ አሳይ ሃሆሶፕ ዩዶሶና» ያጊስ።

4 ዩሱሳ ታማሬቲ ዛሪዲ፥ «ሃ ባዞ ቢታን ሃ አሳ ኡባ ሙዛናው ጊዲያ ካሲ ዴማናው ዳንዳዔይ ኦኔ?» ያጊዶሶና።

5 ዩሱሲ ኤንታኮ፥ «ሂንቴው አፑን ኡይሲ ዴዒ?» ያጊዲ አይቺስ።

ኤንቲ ዛሪዲ፥ «ላፑን ኡይሲ ዴዔስ» ያጊዶሶና።

6 ዩሱሲ አሳይ ሳዓን ኡታና ሜላ ኪቲስ፥ ያቲዲ፥ ላፑን ኡይሳ ኤኪዲ ያሳ ጋላቲ ሲሚዲ ሄ ኡይሳ ሜንሲዲ፥ አሳስ ጊሻና ሜላ ባ ታማሬታስ ኢሚስ፥ ኢያ ታማሬቲ አሳስ ጊሺዶሶና፥ 7 ኤንታው ቃሲ ጉላ ላፋ ሞሎቲ ዴዶሶና፥ ዩሱሲ ሄ ሞሎታ ጊሾ ያሳ ጋላቲዲ፥ አሳስ ጊሻና ሜላ ባ ታማሬታ ኪቲስ፥ 8 አሳይ ኡባይ ሚዲ ካሊዶሶና፥ ኢያ ታማሬቲ አቲዳ ቲፊያ ላፑን ጋይታ ኩሜሲ ዴንሲዶሶና፥ 9 ካሳ ሚዳ አሳ ታይቦይ አይዱ ሙኩሉ ጊዳና፥ ሄሳፌ ጉዩ፥ ዩሱሲ አሳ ዩዲስ፥ 10 ኢ ቃሲ ባ ታማሬታራ ኤሌሲ ዎንሎን ጌሊዲ ዳልማኑታ ጊያ ቢታ ቢስ።

ማላቲ አሴታና ሜላ አይቺዶሶና

(ማቶ 16:1-4)

11 ፋሪሳዌቲ ዩዲ ዩሱሳ ፓጫናው ኮዩዲ፥ ሳሎፕ ባንታና ማላታ ቤሳና ሜላ ዩሱሳራ ፓላማ አይኪዶሶና።

12 ዩሱሲ ቶኪ ሼምፒዲ፥ «ሃ ዎዲያ አሳይ አይስ ማላታ ኮዩ? ታኒ ሂንቴው ቱማ አዳይስ፤ ሃ ዎዲያ አሳስ አይ ማላቲካ ኢሜቴና» ያጊስ። 13 ኢ ኤንታ ያን ዩጊ አጊዲ ዛሪ ዎንሎን ጌሊዲ አባፌ ሄፊንሲ ፒኒስ።

ፋሪሳዌታኔ ሄሮዲሳ ኢርሹዋ

(ማቶ 16:5-12)

14 ኢያ ታማሬቲ ካሲ ኤፋናይሳ ዶጊዶሶና፤ ኤንታው ዎንሎዋ ጊዶን ኢሲ ኡይሳፌ ሃሪ ባዋ። 15 ዩሱሲ ኤንታኮ፥ «ሂንቴና ኤሪቴ፥ ፋሪሳዌታ ኢርሹዋፌኔ ሄሮዲሳ ኢርሹዋፌ ናኔቲቴ» ያጊዲ ኪቲስ።

16 ኤንቲ ባንታ ጊዶን፥ «ኢ ሃይሳ ጌይ ኑስ ኡይሲ ባይና ጊሾሳ» ያጊዶሶና።

8:11 ማቶ 12:38፤ ሉቃ 11:16 8:12 ማቶ 12:39፤ ሉቃ 11:29 8:15 ሉቃ 12:1

17 ዮሱሲ ኤንቲ ጌይሳ ኤሪዲ ኤንታኮ፣ «ሂንቴው ኡይሲ ባይና ጊሾ አይስ አዴቴቲ? ሃሂካ ኤሬኬቲ? ዎይኮ አኬኬኬቲ? ሂንቴ ዎዛናይ ዶጪዴ?» 18 ሂንቴው አይፌይ ዴዲሺን ቤዔኬቲ? ሃይሲ ዴዲሺን ሲዔኬቲ? ሂንቴ አኬኬቲ? 19 ታኒ ኢቻሹ ኡይሳ ኢቻሹ ሙኩሉ አሳስ ባሲዳ ዎዴ አፑን ጋይታ ኩሜሲ ቲፌ ዴንሲዴቲ?» ያጊስ።

ኤንቲካ፣ «ታማኔ ናምዑ ጋይታ ኩሜሲ» ያጊዶሶና።

20 «ሄሳዳካ፣ ታኒ ላፑን ኡይሳ አይዱ ሙኩሉ አሳስ ባሲዳ ዎዴ አፑን ጋይታ ኩሜሳ ቲፌ ዴንሲዴቲ?» ያጊስ።

ኤንቲ፣ «ላፑን ጋይታ ኩሜሲ ዴንሲዳ» ያጊዶሶና።

21 ያቲን፣ «ሃሂካ አኬኬኬኬቲ?» ያጊስ።

ዮሱሲ ቤቴሳይዳን ኢሲ ቆቂያ ፓሲስ

22 ኤንቲ ቤቴሳይዳ ካታማ ቢዶሶና። ጉሳ አሳቲ ቆቂ ኡራ ዮሱሳኮ ኤሂዲ ሄ ኡራ ቦቻና ሜላ ኢያ ዎሲዶሶና። 23 ዮሱሲ ቆቂ ኡራ ኩሺያ አይኪዲ ካታማፔ ጋዓ ኬሲስ። ኢያ አይፊያን ጩቲዲ ባ ኩሺያ ኢያ ቦላ ዎሲዲ፣ «ኔው አይኮይ ቤንቲ?» ያጊዲ አይቺስ።

24 ኡራይ ዶቂ ጊዲ ዩሊዲ፣ «ታው አሳይ ቤንቴስ፣ ሺን አሳይ ሃሙቲሼ ሚሲ ዳኔስ» ያጊስ።

25 ሄሳፌ ጉዮ፣ ዮሱሲ ዛሪዲ፣ ኡራ አይፊያን ባ ኩሺያ ዎሲስ። ኡራይ ሎይሲ ዩሊስ፣ ኢያ አይፌይ ፓዲስ፣ ኡባባ ጌሺዲ ቤዒስ።

26 ዮሱሲ አዲያኮ፣ «ኔ ሶ ባ፣ ሺን ጉታ ጌሎፓ» ያጊዲ ኪቲስ።

ዲዒሮሳ አማኑዋኔ ማርካቴሳ

(ማቶ 16:13-20፤ ሉቃ 9:18-21)

27 ዮሱሲ ባ ታማሬታራ ቂሳሪያ ፊልጶሳ ማታን ዴዒያ ጉታ ቢስ። ኤንቲ ቢሺን አጌ ቦላ ዮሱሲ፣ «ታና አሳይ እና ጎና?» ያጊዲ ባ ታማሬታ አይቺስ።

28 ኢያ ታማሬቲ፣ «ኢሲ ኢሲ አሳይ ኔና፣ <ግማቂያ ዮሃንሳ> ጎሶና፤ ሃራቲ፣ <ኤሊያሳ ጎሶና> ቃሲ ሃራቲ፣ <ናቤታፔ ኢሱዋ> ጎሶና» ያጊዶሶና።

29 ዮሱሲ ኤንታኮ፣ «ያቲን ሂንቴ ታና እና ጌቲ?» ያጊዲ አይቺስ።

ዲዒሮሲ፣ «ኔኒ ኪሪስቶሳ» ያጊዲ ዛሪስ።

30 ዮሱሲ፣ «ታባ አዴስካ አዶፒቴ» ያጊዲ ኤንታ ኪቲስ።

ዮሱሲ ባና ጋካና ሜቱዋኔ ዋያ አዲስ

(ማቶ 16:21-28፤ ሉቃ 9:22-27)

31 ዮሱሲ ባ ታማራታኮ፥ «አሳ ናዓይ፥ ዳሮ ሜቶ ኤካናው ቤሴስ፤ ጨማቲ፥ ካሂኔ ሃላቃቲኔ ሂጌ አስታማራቲ ኢያ ኢፃናው ቤሴስ። ኤንቲ ኢያ ዎዳናውኔ ሄኹ ጋላሳፕ ጉዮ፥ ኢ ሃይቆፕ ዴንዳናው ቤሴስ» ያጊዲ ኤንታ ታማርሲስ። 32 ኢ ሄሳ ኤንታው ጌሺዲ አዲስ። ጳጊሮሲ ኢያ ኢሲ ባጋ ዛሪዲ ሃንቁስ።

33 ሺን ዮሱሲ ጉዮ ሲሚዲ፥ ባ ታማራታ ዪሲዲ፥ ጳጊሮሳ ሃንቁቲዲ፥ «ሃ ፃላሂያው፥ ታፕ ሃካ። ኔኒ አሲ ዶሲያባ ቆፓሳፕ አቲን ያሳይ ዶሲያባ ቆፓካ» ያጊስ።

ዮሱሳ ካሎይ ባና ካዶ አይቼስ

(ማቶ 10:38-39፤ 16:24-28፤ ሉቃ 9:23-27፤ 14:26-27)

34 ቃሲካ ዮሱሲ ዳሮ አሳኔ ባ ታማራታ ባኮ ያጊዲ፥ «ታና ካላናው ኮያ አኒካ ባና ካዶ፤ ባ ማስቃሊያ ቶኪዲ ታና ካሎ።

35 ባ ሽምፑዋ አሻናው ኮያ ኡራይ ዳይሳና። ሺን ታ ጊሾኔ ዎንጊላ ጊሾ ባ ሽምፑዋ ዳይሲያ ኡራይ አሻና። 36 ኢሲ አሲ ሳፃን ዴሲያ ኡባባ ባው ሺሺዲ፥ ባ ሽምፑዋ ዳይሲኮ ኢያ አይ ማዳኔ? 37 ኢሲ አሲ ባ ሽምፑዋ ዎዛናው አይ ኢማናው ዳንዳዲ?

38 ያሳ አማናና ሃ ኢታ ዮሴቴሳን፥ ኢሲ አሲ ታናኒኔ ታ ቃላን ዮላቲኮ፥ አሳ ናዓይ፥ ቃሲ ባ አዋ ቦንቶን ጌሻ ኪታንቶታራ ያ ዎዴ ኢያን ዮላታና» ያጊስ።

9

ዮሱሳ ማላይ ላሜቲስ

(ማቶ 17:1-13፤ ሉቃ 9:28-36)

1 ዮሱሲ ኤንታኮ፥ «ታኒ ሂንቴው ቱማ አዳይስ፤ ያሳ ካዎቴሳይ ዎልቃራ ዮይሳ ቤዎና ሃይቆና ኢሲ ኢሲ አሳቲ ሃይሳን ዴዎሶና» ያጊስ።

2 ዮሱሲ ኡሱፑን ጋላሳፕ ጉዮ፥ ባራ ጳጊሮሳ፥ ያይቆባኔ ዮሃኒሳ ኤኪዲ፥ ኤንታ ፃላሳ ጊታ ዴሪያ ቦላ ኪሲዲ ኤንታ ሲንሳን ላሜቲስ። 3 ኢያ ማዎይካ ጳሊስ፤ ሳፃን ማዎ ሜጨያ አኒካ ጌሻናው ዳንዳዎናይሳ ሜላ ዳሮ ቦዲስ። 4 ሄ ሄኹ ታማራቲ፥ ኤሊያሲኔ ሙሴይ ዮሱሳራ አዴቲሺን ቤዲዶሶና።

5 ጳጊሮሲ ዮሱሳ፥ «አስታማሪያው፥ ኑኒ ሃይሳን ዴዴይሲ ኑስ ሎዎ፤ ኑ ሄኹ ሻቃራታ ኢሱዋ ኔው፥ ኢሱዋ ሙሴስ፥ ቃሲ ኢሱዋ ኤሊያሳስ ሻቃራና» ያጊስ። 6 ኢያራኔ ሃንኮታራ ዳሮ ያዩዳ ጊሾ ኢ አይ ጊያኮካ ኤሪቤና።

8:34 ማቶ 10:38፤ ሉቃ 14:27 8:35 ማቶ 10:39፤ ሉቃ 17:33፤ ዮሃ 12:25
9:2 2ጴጊ 1:17-18

7 ሄሳፌ ጉዩ፥ ሻራይ ዩዲ ኤንታ ካሚን ሻራ፡፡ «ሃይሲ ታ ደሲያ፥ ታ ናፍ፥ ኢ ጌይሳ ሲዲቴ» ጊያ ቃላይ ዩስ። 8 ኤሌሲዲ ኤንቲ ዩሺ አሲ ዌሊያ ዎዴ ዩሱሳ፡፡ አቲን ሃራ እናካ ባንታ ማታን ቤዲቦኮና።

9 ኤንቲ ዴሪያ፡፡ ዎዲሺን፥ ዩሱሲ ኤንታኮ፥ «አሳ ናፍይ፥ ሃይቆ፡፡ ዴንዳና ጋካናው፥ ሂንቱ ቤዲዳባ አዴስካ አዶ፡፡» ያጊዲ ኪቲስ።

10 ኢ ኪቲዳይሳ ኤንቲ፥ «ኤሮ» ጊዲ፥ «ሃ ሃይቆ፡፡ ዴንዶ ጌይሲ ዎይጉስ» ጊዲ፥ ባንታ ጊዶን አዴቲዶሶና።

11 ኤንቲ ዛሪዲ፥ «ሂጌ አስታማሬቲ፥ ኤሊያሲ ኮይሮቲዲ ያናው ቤሴስ» አይስ ጎና?» ያጊዲ አይቺዶሶና።

12 ዩሱሲ ዛሪዲ «ኤሊያሲ ኮይሮቲዲ ዩዲ፥ አባባ ጊጊሴስ፤ ያቲን፥ አይስ ጊሻ ማፃፋይ፥ «አሳ ናፍይ ዳሮ ዋዬታና ኢዌታና» ያጊ ጊዲ አይቺስ። 13 ሺን ታኒ ሂንቱው አዳይስ፤ ኤሊያሲ ዩስ፤ ቃሲ ኢያባይ ጊሻ ማፃፋን ፃፌቲዳይሳዳ፥ አሳይ ኢያ ቦላ ባንታ ኮዩዳባ አሲዶሶና» ያጊስ።

ዩሱሲ ቱና አያናይ አይኪዳ ናፍ ፓሲስ
(ማቶ 17:14-21፤ ሉቃ 9:37-43)

14 ዩሱሲ፥ ጳጊሮሲ፥ ያይቆቤኔ ዮሃንሲ ሃንኮ ኢያ ታማሬታኮ ሲሚዲ ያ ዎዴ ዳሮ አሳይ ኤንታ ዩሹዋን ኤቂዳይሳታኔ ሂጌ አስታማሬ ጊዲዳ ጉሳ አሳቲ ኤንታራ ፓላሜይሳ ቤዲዶሶና። 15 ሄ ዳሮ አሳይ ዩሱሳ ቤዲዳ ዎዴ ማላሌቲዲ፥ ኤሌሲዲ ኢያኮ ዎጊ ዩዲ፥ ኢያ ሳሮሲዶሶና። 16 ዩሱሲ ባ ታማሬታኮ፥ «ኤንታራ አይ ፓላሜቲ?» ያጊዲ አይቺስ።

17 ሄ ዳሮ አሳ ጊዶፌ ኢሲ አራይ ዛሪዲ፥ «አስታማሬያው፥ ታ ናፍ ቦላ አዴቴሲ ዲጊያ ቱና አያናይ ዴዲያ ጊሾ ኢያ ኔኮ ኤካዳ ያስ። 18 ሃ ቱና አያናይ ኢያ አይኪያ ዎዴ አባን፥ ኢያ ሾጪ ዩጌስ፤ ኢያ ዶናራ ጎፖንቶይ ዩስ፤ ቃሲ አቼ ጋርጪሴስ፤ አሳቴሳካ ሚኔስ። ኢያ፡፡ ሃ ቱና አያና ኪሳና ሜላ፥ ኔ ታማሬታስ አዳስ፥ ሺን ኪሳናው ዳንዳዲቦኮና» ያጊስ።

19 ዩሱሲ ዛሪዲ ኤንታኮ፥ «አማኖና ሃ ዎዲያ አሳው! ታኒ ሂንቱራ አዉዴ ጋካናው ዳኔ? ቃሲ ሂንቱና አዉዴ ጋካናው ዳንዳጎኔ? ናፍ ታኮ ሃ ኤኪ ዩቴ» ያጊስ። 20 ኤንቲ ናፍ ኢያኮ ኤሂዶሶና፤ ሄ ቱና አያናይ ዩሱሳ ቤዲዳ ሜላ ናፍ ኮኮርሲስ፤ ናፍይ ሳፃን ኩንዲዲ፥ ዶናራ ጎፖንቶይ ቶፋ ጊሺን ጎንዶሬቲስ።

21 ዩሱሲ ሄ ናዓ አዋኮ፥ «ሃይሲ ኔ ናዓ አይኮሳፕ አይ ሜላ ዎዴ ጊዳኔ?» ያጊዲ አይቺስ።

ናዓ አዋይ፥ «ኢ ጉሳን ዴዲሺን አይኪስ። 22 ኢያ ዎዳናው ዳር ዎዴ ታማኒኔ ሃሳን ዩጌስ፥ ሺን ኔ ዳንዳዲኮ፥ ኑስ ቃዴታርኪ፥ ኑና ማዳርኪ» ያጊስ።

23 ዩሱሲ ኢያ፥ «(ኔኒ ዳንዳዲኮ ጋይ?) አማኒያ አዴስካ ኡባባይ ዳንዳዲኮ» ያጊስ።

24 ኤሴሲዲ ናዓ አዋይ ባ ቃላ ዶቁ አሲዲ፥ «ታኒ አማናይስ፥ ሺን ጉጃ አማናናዳ ታና ማዳርኪ» ያጊስ።

25 ዩሱሲ አሳይ ዳሪ ዳሪ ቤይሳ ቤዲዲ፥ ቱና አያና፥ «ሃ ቱሌኔ ሙሜ አያናው፥ ሃ ናዓፕ ኬያ ጋዳ ኔና ታ ኪታይስ፤ ቃሲ ናምዓንሶ ኢያን ጌሎፓ» ያጊስ።

26 ሄ ቱና አያናይ ዋሲዲ፥ ናዓ ዳሮ ኮኮርሲዲ፥ ኢያፕ ኬዩስ፥ ናዓይ ሃይቂዳ ዳኒን፥ ዳሮ አሳይ፥ «ናዓይ ሃይቂስ» ያጊዶሶና።

27 ሺን ዩሱሲ ናዓ ኩሺያ አይኪዲ ዴንሲን፥ ናዓይ ዴንዲ ኤቂስ።

28 ዩሱሲ ሶ ጌሊዳይሳፌ ጉዩ ኢያ ታማሬቲ፥ «ኑኒ ሄ ቱና አያና ኬሳናው አይስ ዳንዳዲቦኮ?» ያጊዲ ዩሱሳ ዱማ አይቺዶሶና።

29 ዩሱሲ ዛሪዲ፥ «ሄሳ ሜላይ ዎሳፔኔ ያማፕ አቲን ሃራባን ኬያናው ዳንዳዲና» ያጊስ።

ዩሱሲ ባና ጋካና ሜቱዋ ዛሪ አዲስ
(ማቶ 17:22-23፤ ሉቃ 9:43-45)

30 ኤንቲ ሄ ቤሳፌ ዴንዲዲ፥ ጋሊላራ አዲዲ ቢዶሶና፤ ዩሱሲ ባ ዴዲያሱዋ አኒካ ኤራና ሜላ ኮዩቤና። 31 ኢ ባ ታማሬታኮ፥ «አሳ ናዓ፥ አሲ አሳስ አሲ ኢማናኔ ዎዳና፤ ኢ ሄኹ ጋላሳፕ ጉዩ፥ ሃይቆፕ ዴንዳና» ያጊዲ ታማርሴስ።

32 ሺን ኤንታው ኢ ጌይሲ ጌሊቤና፤ ቃሲ ኢያ አይቻናዉካ ያዩዶሶና።

ኡባፌ አዴይ አኔ?
(ማቶ 18:1-5፤ ሉቃ 9:46-48)

33 ኤንቲ ቂፊርናሆሜ ካታማ ቢዲ ሶ ጌሊዳይሳፌ ጉዩ ዩሱሲ ኤንታኮ፥ «አጌን አይ አዴቴቲ?» ያጊዲ አይቺስ። 34 ሺን ኤንቲ፥ «ኑ ጊዶን ኡባፌ አዳናይ አኔ?» ያጊዲ ፓላሚዳ ጊሾ ሲዲ ጊዶሶና። 35 ዩሱሲ ኡቲዲ፥ ታማኔ ናምዑ ታማሬታ ዩጊዲ፥ «አኒካ ሲንፎ አዳናው ኮይኮ፥ ኡባፌ ጉዩ አዲዲ፥ ኡባስ አይሌ ጊዳናው ቤሴስ» ያጊስ።

36 ኢሲ ጉሳ ናዓ ኤኪዲ፥ ኤንታ ጊዶን ኤሲስ፤ ሄ ጉሳ ናዓ ኢዲሚዲ ኤንታኮ፥ 37 «ሃይሳ ሜላ ጉሳ ናይታፔ ኢሱዋ ታ ሱንሳን ሞኪያ ኦኒካ ታና ሞኪስ፤ ቃሲ ታና ሞኪያ ኦኒካ ታና ኪቲዳይሳካ ሞኪሲፔ ኦቲን ታ ፃላላ ሞኪና» ያጊስ።

ኑና ኢዶና ኡራይ ኑ ባጋ
(ሉቃ 9:49-50)

38 ዮሃንሲ፥ «አስታማሪያው፥ ኢሲ አሲ ኔ ሱንሳን ቱና አያናታ ኪሲሺን ኑኒ ቤዒዲ፥ ኑ ባጋ ጊዶና ጊሾ ኢያ ዲጊዳ» ያጊስ።

39 ሺን ዮሱሲ፥ «ኦኒካ ታ ሱንሳን ያሳይ አሲያ ማላታታ አሲዲ፥ ኤሌሲዲ ታ ቦላ ኢታባ ኦዴታናው ዳንዳዔይ ባይና ጊሾ ዲጎሬቱ። 40 ኑባ ኢዶና ኡራይ ኑ ባጋ። 41 ታኒ ሂንቴው ቱማ አዳይስ፤ ሂንቴ ታይሳታ ጊዲያ ጊሾ ኦኒካ ሂንቴው ታ ሱንሳን ሃሎ ሃሲ ኡያናው ኢሚኮካ፥ ባ ዎይቱዋ ኤካና።

ናጋራን ፓጩቴሳ
(ማቶ 18:6-9፤ ሉቃ 17:1-2)

42 «ታና አማኒያ ሃ ጉሳታፔ ኢሱዋ ባሌሲያ ኦኒካ፥ ጋቻ ዎጋ ዎፃ ባ ቆዴን ቃቺዲ፥ አባን ዉሊያኮ ኢያው ሎዎ። 43-44 ኔ ኩሼይ ኔና ባሌሲኮ፥ ቃንፃ ሆላ። ኔኒ ናምዑ ኩሼራ ቶዶና ጋናሜ ታማን ዮጌቴይሳፊ፥ ዱፃ ኩሼራ ዴዑዋ ጌሎይ ኔው ሎዎ። 45-46 ኔ ቶሆይ ኔና ባሌሲኮ፥ ቃንፃ ሆላ። ኔኒ ናምዑ ቶሁዋራ ጋናሜ ታማን ዮጌቴይሳፊ፥ ዎቤ ጊዳዳ ዴዑዋ ጌሌይሲ ኔው ሎዎ። 47 ኔ አይፊይ ኔና ባሌሲኮ፥ ዎጫ ኪሳ ሆላ። ኔኒ ናምዑ አይፊያራ ጋናሜ ታማን ዮጌቴይሳፊ፥ ኢሲ አይፊያራ ያሳ ካዎቴሳ ጌሌይሲ ኔው ሎዎ። 48 ያን ኤንታ ሚያ ጉፁኔይ ሃይቁና፥ ታማይካ ቶዔና።

49 «ያርሾይ ማፂኔን ጌዮይሳ ሜላ አሲ ኡባይ ታማን ሃርቁታና። 50 ማፂኔይ ሎዎ፥ ሺን ኢ ማልዶና ኢሂኮ፥ ዛሪዲ ዋቲ ማልዔሳኔ? ሂንቴናን ማፂኔይ ዴዎ። ያኒዲ ኢሶይ ኢሱዋራ ሳርቴሳን ዴዒቱ» ያጊስ።

10

ማቾ ዮዳናው ቤሴና
(ማቶ 19:1-2፤ ሉቃ 16:18)

9:37 ማቶ 10:40፤ ሉቃ 10:16፤ ዮሃ 13:20 9:40 ማቶ 12:30፤ ሉቃ 11:23
9:41 ማቶ 10:42 9:43-44 ማቶ 5:30 9:47 ማቶ 5:29 9:48 ኢሳ
66:24 9:50 ማቶ 5:13፤ ሉቃ 14:34

1 ዮሱሲ ሄሳፌ ዴንዲዲ፣ ዩሁዳ ቢታ ቢዲ ዮርዳኖሴ ሻፋ ፒኒስ። ዳሮ አሳይ ዛሪዲ ኢያኮ ሺቂን፣ ካሴይሳዳካ ሄ አሳ ታማርሲስ።

2 ኢሲ ኢሲ ፋሪሳዌቲ ፓጫናው ኮዬዲ ዮሱሳ፣ «ኢሲ አሲ ባ ማቺው ዮዳና ሜላ ሙሴ ሂጊይ ኪቲ?» ያጊዲ ኢያ ኦይቺዶሶና።

3 ኢ ዛሪዲ፣ «ሙሴይ ሂንቴና ዎይጊዲ ኪቲዴ?» ያጊስ።

4 ኤንቲ፣ «ሙሴይ፣ <ኢሲ አሲ ባ ማቺስ አንጆ ዎርቃቱ ኢሚዲ ዮዶ> ጊስ» ያጊዶሶና።

5 ዮሱሲ ዛሪዲ፣ ኤንታ «ሂንቴ ኦዲን ሲያናይሳታ ጊዲያ ጊሾ ሙሴይ ሃ ኪታ ሂንቴው ዓፌስ። 6 ሺን ያሳይ ኮይሮ ሜዲያ ዎዴ አዴኔ ማጫ አሲዲ፣ ኤንታ ሜዲስ። 7 ሄሳ ጊሾ፣ ኢሲ አሲ ባ አዋኔ ባ አዬው አጊዲ፣ ባ ማቺራ ኢሲፌ ዴዔስ። 8 ኤንቲ ናምዓይ ኢሲ አሴ ጊዶሶና፤ ሂዛፔ፣ ኤንቲ ኢሲ አሴ ጊዶሶናፔ አቲን ናምዑ አሲ ጊዶኮና። 9 ሄሳ ጊሾ፣ ያሳይ ኢሲፌ ቃቺዳይሳ አሲ ሻኮፎ» ያጊስ።

10 ኤንቲ ሶ ሲሚዳ ዎዴ ኢያ ታማሬቲ ሃ ኦዳባ ዮሱሳ ናምዓንሶ አይቺዶሶና። 11 ዮሱሲ ኤንታኮ፣ «ባ ማቺው ዮዲዲ ሃራ ኤኪያ አኒካ ሳይማቱስ። 12 ቃሲ ማጫሲያካ ባ አዚናፔ ኬያዳ ሃራ አዚና ጌሊኮ ሳይማታውሱ» ያጊስ።

ዮሱሲ ጉሳ ናይታ አንጂስ
(ማቶ 19:13-15፤ ሉቃ 18:15-17)

13 ዮሱሲ ጉሳ ናይታ ቦቻና ሜላ፣ ኢሲ ኢሲ አሳይ ናይታ ኢያኮ ኤሆሶና፣ ሺን ኢያ ታማሬቲ ሄ አሳ ሃንቁቲዶሶና። 14 ዮሱሲ ሄሳ ቤዒዲ፣ ባ ታማሬታ ሃንቁቲዲ፤ ኤንታኮ፣ «ጉሳ ናይቲ ታኮ ዮይሳ ዲንፊቱ፤ ያሳ ካዎቴሳይ ሃይሳታ ሜላሳ። 15 ታኒ ሂንቴው ቱማ አዳይስ፤ ያሳ ካዎቴሳ ጉሳ ናዓዳ ኤኮና ኡራይ አኒካ ሄ ካዎቴሳ ኡባራካ ጌሴና» ያጊስ። 16 ጉሳ ናይታ ኢዲሚዲ፣ ባ ኩሺያ ኤንታ ኢሱዋ ኢሱዋ ቦላ ዎሲዲ አንጂስ።

ሚሼ ሲቆይ ኤሂያ ሜቱዋ
(ማቶ 19:16-30፤ ሉቃ 18:18-30)

17 ዮሱሲ ባናው ኬዬዳ ዎዴ ኢሲ ኡራይ ዎዲ ዩዲ፣ ኢያ ሲንሳን ጉልባቲዲ፣ «ኬሃ አስታማሪያው፣ ሜሪና ዴዑዋ ላታናው ታኒ አይ አሶ?» ያጊዲ አይቺስ።

18 ዮሱሲ፣ «አይስ ታና ኬሃው ጋዳ ዪጋይ? ያሳ ዓላላፔ አቲን ሃሪ ኬሂ አኒካ ባዋ። 19 ያሳ ኪታ፣ ዎዶፓ፤ ሳይማቶፓ፤

10:4 ዛሬ 24:1 10:6 ሜዴ 1:27፤ 5:1 10:7 ሜዴ 2:24 10:11 ማቶ 5:32፤ 1ቆሮ 7:10-11 10:15 ማቶ 18:3

ካይሶቶፓ፤ ዎርዶ ግርካቶፋ፤ ኢንፃርሳን ጪሞፋ፤ ኔ አዋኔ ኔ አዩው ቦንቻ ያጌይሳ ኤራሳ» ያጊስ።

20 ኡራይ፥ «አስታማሪያው፥ ታኒ ሄሳ ኡባ ናጎቴሳፌ ዶማዳ ሃሂ ጋካናው ናጋይስ» ያጊስ።

21 ዩሱሲ ኡራ ቲሺ አሲ ዌሊዲ ዶሲስ፤ «ኔው ኢሲባይ ፓጩስ፤ ባዳ ኔው ዴሂያባ ኡባ ባይዛዳ፥ ሄ ሚሺያ ማንቆታስ ኢማ፤ ኔኒ ሳሎን ዱሬታና፥ ያታ ሲማዳ ታና ካላ» ያጊስ። 22 ሺን ኡራይ ሄሳ ሲሂዲ፥ ኢ ዳሮ ዱሬ ጊዲያ ጊሾ ባ ሰምዑዋ ካሬሲስ፥ ኡፋይቶና አጊዲ ቢስ።

23 ዩሱሲ ባ ታማሬታ ዩሺ አሲ ዌሊዲ፥ «ዱሬ አሲ ዶሳ ካዎቴሳ ጌላናይሲ ዋኒዲ ሜታንዴሻ!» ያጊስ።

24 ኢያ ታማሬቲ ኢያ ቲሚርቲያ ሲሂዲ ማላሌቲዶሶና። ሺን ዩሱሲ ቃሲካ ኤንታኮ፥ «ናይቶ፥ ዶሳ ካዎቴሳ ጌላናይሲ ዋኒዲ ሜታንዴሻ! 25 ዱሬ አሲ ዶሳ ካዎቴሳ ጌላናይሳፌ፥ ጊማሌይ ናርፔ ሉሆራ አዴይሲ ካወዩስ» ያጊስ።

26 ኢያ ታማሬቲ ማላሌቲዲ፥ «ያቲን፥ አኒ አታኔ?» ያጊዲ፥ ኢሶይ ኢሱዋ አይቺዶሶና።

27 ዩሱሲ ኤንታ ቲሺ አሲ ዌሊዲ፥ «ሃይሲ ዶሳስ ዳንዳዔቴስፔ አቲን አሳስ ዳንዳዔቴና፤ ዶሳስ ኡባባይ ዳንዳዔቴስ» ያጊስ።

28 ጴረሲ ዩሱሳኮ፥ «ሄኮ፤ ኑኒ ኑባ ኡባ አጊዲ፥ ኔና ካሊዳ» ያጊስ።

29 ዩሱሲ «ታኒ ሂንቴው ቴማ አዳይስ፤ ታ ጊሾኔ ዎንጌላ ጊሾ ኬሳ ዎይኮ ኢሻታ ዎይኮ ሚቼታ ዎይኮ አዋ ዎይኮ አዩው ዎይኮ ማቺው ዎይኮ ናይታ ዎይኮ ጋዲያ አጊዳይ አኒካ፥ 30 ሃሂ ሃ ዎዲያን ዌቱ ኩሼ ኬሳ፥ ኢሻታ፥ ሚቼታ፥ አዩታ፥ ናይታ፥ ጋዲያ፥ ጎዴቴሳራ ኢሲፌ ኤካና፥ ሲንሳፌ ያና ዎዲያንካ ሜሪና ዴዑዋ ኤካና። 31 ሺን ዳሮቲ ሃሂ ዴሳን ሲንሴ ጊዲዳይሳቲ ጉዩ ጊዳና፥ ቃሲ ዳሮቲ ሃሂ ጉዩ ጊዲዳይሳቲ ሲንሴ ጊዳና» ያጊስ።

**ዩሱሲ ባና ጋካና ሜቱዋ ሄቫንሶ አዲስ
(ማቶ 20:17-19፤ ሉቃ 18:31-34)**

32 ዩሱሳራኔ ኢያ ታማሬታራ ዩሩሳላሜ ቢሺን፥ ዩሱሲ ባ ታማሬታ ሲንሳን ሃሙቴስ። ኤንቲ ማላሌቲዶሶና፥ ኢያ ካሌይሳቲካ ያዩዶሶና፥ ናምዓንሶ፥ ታማኔ ናምዑ ታማሬታ ጋፃ ኬሲዲ፥ ባና ጋካናባ ዱማ ኤንታው ሃይሳዳ ያጊዲ አዲስ።

33 «ሄኮ፥ ኑኒ ዩሩሳላሜ ሃሂ ኬዮስ፥ ያን አሳ ናዓይ፥ ካሂኔ ሃላቃታሲኔ ሂጌ አስታማሬታስ አሲ ኢሜታና፥ ኤንቲ ኢያ ቦላ

ሃይቆ ፐርዳ ፐርዳና፤ ቃሲ አይሁዴ ጊዶና ዴሪያስ ኢያ አሲ ኢማና።³⁴ ሄ አይሁዴ ጊዶና ዴሬይ ኢያ ቶቻና፤ ኢያ ቦላ ጩታና፤ ሊሶን ጋራፋናኔ ዎዳና። ኢ ሄዙ ጋላሳፔ ጉዩ፤ ሃይቆፔ ዴንዳና» ያጊስ።

ያይቆቤኔ ዮሃንሲ ዎሲዳ ዎሳ

(ማቶ 20:20-28)

³⁵ ዛብዲዮሳ ናይቲ ያይቆቤኔ ዮሃንሲ ዩሱሳኮ ዩዲ፤ «አስታማሪያው፤ ኑኒ ኔና ዎሲያ ኢሲባ ኑስ አሳርኪ» ያጊዶሶና።

³⁶ ዩሱሲ ኤንታኮ፤ «ታኒ ሂንቴው አይ አሶ?» ያጊስ።

³⁷ ኤንቲ፤ «ኔኒ ኔ ቦንቾ ካዎቴላን ኡቲያ ዎዴ ኑፔ ኢሱዋ ኡቫቻ ባጋራ ቃሲ ኢሱዋ ሃዲርሳ ባጋራ ኡቲሳርኪ» ያጊዶሶና።

³⁸ ሺን ዩሱሲ ኤንታኮ፤ «ሂንቴ አይ ዎሲያኮ ኤሬኬታ፤ ታ ኡያናው ዴዲያ ፀዓ ኡያናው ዳንዳዔቲ? ቃሲ ታኒ ሃማቄታናው ዴዲያ ሂንቃቲያ ሃማቄታናው ዳንዳዔቲ?» ያጊስ።

³⁹ ኤንቲ ዛሪዲ፤ «ኤ ዳንዳዎስ» ያጊዶሶና።

ዩሱሲ ቃሲ፤ «ቱማካ ታ ኡያናው ዴዲያ ፀዓ ሂንቴ ኡያና፤ ታኒ ሃማቄታናው ዴዲያ ሂንቃቲያ ሂንቴ ሃማቄታና።⁴⁰ ሺን ታፔ ኡቫቻ ባጋራኔ ሃዲርሳ ባጋራ ኡታናይሳታ ዶራናው ታው ማቲ ባዋ፤ ሺን ሄ ቤሳይ ያሳይ ኢማናው ጊጊሲ ዎሲዳይሳታ» ያጊስ።

⁴¹ ሃንኮ ታሙ ታማሬቲ ሄሳ ሲዲዳ ዎዴ ያይቆቤኔ ዮሃንሳ ሃንቄቲዶሶና።⁴² ዩሱሲ ኤንታ ኡባ ባኮ ያጊዲ፤ «አይሁዴ ጊዶና አሳ ሃላቃቲ ዴሪያ ሃሬይሳታ ጌቲቲዲ ዩጌቲይሳኔ ሃሬይሳታስ ዴሪያ ቦላ ማቲ ዴዴይሳ ሂንቴ ኤሬታ።⁴³ ሺን ሂንቴ ጊዶን ሄሳ ሜላ ጊዴና፤ ሂንቴ ጊዶን ጊታታናው ኮዩይ አኒካ ሂንቴው አይሌ ጊዳናው ቤሴስ።⁴⁴ ቃሲ ሂንቴ ጊዶን ኡባሬ ቦላ ጊዳናው ኮዩይ አኒካ ሂንቴ ኡባስ አይሌ ጊዳናው ቤሴስ።⁴⁵ ሃሪ አቶሺን፤ አሳ ናዓይካ፤ አሳስ አሳናውኔ ዳርታ ዎዛናው ባ ሽዎፔዋ አሲ ኢማናው ዩሲፔ አቲን አሲ ኢያው አሳና ሜላ ዩቤና» ያጊስ።

ዩሱሲ ቆቂያ ባርዲሞሳ አይፊያ ፓሲስ

(ማቶ 20:29-34፤ ሉቃ 18:35-43)

⁴⁶ ኤንቲ ኢያርኮ ካታማ ቢዶሶና፤ ዩሱሲ ባ ታማሬታራኔ ዳር አሳራ ኢያርኮሬ ኪዩሺን፤ ሂሞሳ ናዓይ፤ ቆቂይ፤ ባርዲሞሳ ጌቲቲይሲ፤ አጌ ጋዋን ዎሲሽ ኡቲስ።⁴⁷ ባርዲሞሲ፤ ያራ አደይ ናዚሬቲ ዩሱሳ ጊዲዳይሳ ሲዲዳ ዎዴ ባ ቃላ ቶቂ አሲዲ፤ «ዳዊቲ ናዓ ዩሱሳ፤ ታና ማራርኪ!» ያጉሱ አይኪስ።

⁴⁸ ዳር አሳይ ኢያ፤ «ሃይዛ!» ጊዲ ሃንቄቲዶሶና።

10:38 ሉቃ 12:50 10:42 ሉቃ 22:25-26፤ ማቶ 23:11፤ ማር 9:35፤ ሉቃ 22:26

ሺን፥ ኢ ባ ቃላ ካሴይሳፌ ዳሮ ድቁ አሲዲ፥ «ዳዊቴ ናዓው፥ ታና ማራርኪ!» ያጊስ።

49 ዮሱሲ ኤቂዲ፥ «ኢያ ሃ ያጊቴ» ያጊስ።

ኤንቲ ቆቂያኮ፥ «አይኮይ ባዋ፥ ዴንዳ ኤቃ፥ ኔና ያጊስ» ያጊዶሶና። 50 ቆቂይ ባ ማዑዋ ሆሊ ዮጊዲ፥ ጉፒ ዴንዲ ኤቂዲ፥ ዮሱሳኮ ቢስ።

51 ዮሱሲ፥ «ታኒ ኔው አይ አሳና ሜላ ኮያይ?» ያጊስ።

ቆቂይ፥ «አስታማሪያው፥ ታ ያላናው ኮያይስ» ያጊስ።

52 ዮሱሲ ኢያ፥ «ባ፥ ኔ አማኖይ ኔና ፓሲስ» ያጊስ። ሶሁዋራካ ኢያ አይፌይ ያሊን፥ ዮሱሳ ካሊስ።

11

ዮሱሲ ጊታ ቦንቾን ዮሩሳላሜ ጌሊስ

(ማቶ 21:1-11፤ ሉቃ 19:28-40፤ ዮሃ 12:12-19)

1 ኤንቲ ዮሩሳላሜ ማቲሼ፥ ሻማሆ ዴሪያ ማታን ዴዒያ ቤቴፋጊኔ ቢታኒያ ካታማታ ጋኪዶሶና። ዮሱሲ ባ ታማሬታፕ ናምዓታ ሲንሴ ኪቲዲ፥ 2 «ሂንቴፌ ሲንሳን ዴዒያ ጉታ ቤቴ፤ ያ ጌሊዳ ሜላ አኒካ ቶጊቦና ቃሾን ዴዒያ ሃሬ ማሪ ሂንቴ ዴማና፥ ኢያ ቢሊዲ፥ ሃ ኤኪ ዩቴ። 3 አኒካ ሂንቴና፥ <ሃይሳ አይስ አሴቲ?> ያጊዲ አይቺኮ፥ <ጎዳይ ኢያ ኮዩስ፥ ኤሌሲዲ ሃ ዩዳና> ያጊቴ» ያጊስ።

4 ኤንቲ ቢዲ፥ ሃሬ ማሪ ካሬ ቦላ አጌ ማታን ቃሼቲዲ ዴዒይሳ ዴሚዲ ቢሊዶሶና። 5 ሄ ቤሳን ኤቂዳ ኢሲ ኢሲ አሳቲ ኤንታኮ፥ «ሃሬ ማራ ዋታናው ቢሌቲ?» ያጊዶሶና። 6 ኢያ ታማሬቲ ዮሱሲ ባንታና ኪቲዳይሳ አዲን፥ አሳቲ ዩዲ አጊዶሶና። 7 ኤንቲ ሃሬ ማራ ዮሱሳኮ ኤሂዲ፥ ባንታ ማዑዋ ኢያ ዘኮን ሂዲን ዮሱሲ ሄ ሃሬ ማራ ቶጊስ። 8 ዳሮ አሳይ ባንታ ማዑዋ አጊያን ሂዲዶሶና፤ ቃሲ ሃሬቲ ሚሳ ታሼ ታሼዲ፥ አጌን ሂዲዶሶና። 9 ዮሱሳፕ ሲንሳራ ሃሙቲያ አሳይኔ ኢያ ካሊያ አሳይ ባንታ ቃላ ድቁ አሲዲ፥

«ሆሳና! * ያሳይ ጋላቴቶ!

ጎዳ ሱንሳን ዮይሲ አንጄቲዳይሳ።

10 ጎዳ ሱንሳን ያ ኑ አዋ

ዳዊቴ ካዎቴሳይ አንጄቲዳይሳ።

ኡባፌ ቦላ ሳሉዋን

ዴዒያ ያሳይ ጋላቴቶ»

ያጊዶሶና።

* 11:9 ሆሳና፥ ማቶ 21:9 ቢዲቴ። 11:9 ማዝ 118:25

11 ዩሱሲ ዩሩሳላሜ ቢዲ፥ ያሳ ኬሳ ጌሊስ። ቃሲ ኡባባ ዩዩ ጌሊዳ፤ ጉዩ፥ ሳዓይ ቃሚያ ጊሾ ታማኔ ናምዑ ታማሬታራ ቢታኒያ ካታማ ቢስ።

ዩሱሲ ቃንጊዳ ባላሴ ሚሲው
(ማቶ 21:18-19)

12 ዎንቴሳ ጋላስ ኤንቲ ቢታኒያ፤ ኬዩዲ ቢሺን፥ ዩሱሲ ኮሻቲስ። 13 ሃሆን ኢሲ ባላሴ ሚሲው ሃይሳ ሃላላ ማዓ ኡቲዳር ቤዒዲ፥ ኢ ቦላ አይፊይ ቤቲኮ ጊዲ፥ ቤዓናው ኢኮ ቢስ፥ ሺን ኢኮ ኢ ቢያ ዎዴ ሃይሳ ሃላላ፤ አቲን ኢሲ አይፊካ ዴሚቤና፤ አይስ ጊኮ፥ ባላሴይ አይፊያ ዎዴይ ጋኪቤና። 14 ዩሱሲ ሄ ባላሲው፥ «ሂዛ፥ ኔ፤ ሜሪናው አሲ አይፊ ሞፖ» ያጊስ። ኢያ ታማሬቲ ኢ ጌይሳ ሲዒዶሶና።

ዩሱሲ ያሳ ኬሳን ዛልዔይሳታ ኬሲስ
(ማቶ 21:12-17፤ ሉቃ 19:45-48፤ ዮሃ 2:13-22)

15 ኤንቲ ዩሩሳላሜ ቢዶሶና፤ ዩሱሲ ያሳ ኬሳ ጌሊዲ፥ ያን ባይዜይሳታኒ ሻሚይሳታ ካሬ ጎዶ አይኪስ፤ ቃሲ ሚሽ ላሚይሳታ ሃርጲዛኔ ሆሌ ባይዜይሳታ አይዲያ አሲ ዩጊዲ፥ 16 አሲ አይቢባካ ቶኪዲ፥ ያሳ ኬሳ ጊዶራ አዶና ሜላ ዲጊስ። 17 ዩሱሲ አሳ ሃይሳዳ ያጊዲ ታማርሲስ፡ «ጌሻ ማፃፋን፥ ረታ ኬሳይ አሲ ኡባይ ያሳ ዎሲያ ኬሲ ጊዳና) ጌቲቲዲ ሃፌቲስ። ሺን ሂንቴ ኢያ ፓንጋቲ ቆሴቲያ ጎንጎሎ አሲዴታ» ያጊስ።

18 ካሂኔ ሃላቃቲኔ ሂጊ አስታማሬቲ ሄሳ ሲዒዲ፥ ኢያ ዎዳናው አጌ ኮሺ አይኪዶሶና። ሺን ዳር አሳይ ኢያ ቲሚርቲያን ማላሌቲያ ጊሾ ኢያው ያዩዶሶና።

19 ሳዓይ አማርሲያ ዎዴ ዩሱሲኔ ኢያ ታማሬቲ ካታማ፤ ጋፃ ኬዩዶሶና።

ባላሴ ሚሲያ ሜላሱ
(ማቶ 21:20-22)

20 ኤንቲ ዎንቴሳ ጋላስ ሄ አጊያራ አዲሼ፥ ሄ ባላሲያ ሃጰራ ሚሊዳር ቤዒዶሶና። 21 ጴጊርሲ አኬኪዲ፥ «አስታማሪያው፥ ሄኮ፥ ኔኒ ቃንጊዳ ባላሲያ ሜላሱ» ያጊስ።

22 ዩሱሲ ዛሬዲ፥ «ያሳ አማኒቱ። 23 ታኒ ሂንቴው ቱማ አዳይስ፤ አኒካ ባ ዎዛናን ሲዶና ጊዳባይ ሃናናይሳ አማኒዲ፥ ሃ ዴሪያ፥ (ዴንዳዳ አባን ኩንዳ) ያጊኮ ኢያው ሃናና። 24 ሄሳ ጊሾ፥ ታኒ ሂንቴው አዳይስ፤ ያሳ ሂንቴ ዎሲያባኔ አይቺያባ አይባ

11:17 ኢሳ 56:7፤ ኤር 7:11 11:23 ማቶ 17:20፤ 1ቆ 13:2

ጊዲተካ ኤኪዳዳ አማኒቱ፤ ሂንቴ ኤካና። 25 ያሳ ያሳናው ሂንቴ ኤቂያ ዎዴ ሳሎን ዴዲያ ሂንቴ አዋይ ሂንቴ ናጋራ አቶ ጋና ሜላ፤ እኒካ ሂንቴና ናቂዳባይ ዴዲኮ፤ ኢያው አቶ ጊቴ። 26 ሺን አሳ ናጋራ ሂንቴ አቶ ጎና ኢዲኮ፤ ሳሎን ዴዲያ ሂንቴ አዋይካ ሂንቴ ናጋራ ሂንቴው አቶ ጊና» ያጊሰ።

ዮሱሲ አይቢ ማታን አሲያኮ አይሽቲስ

(ማቶ 21:23-27፤ ሉቃ 20:1-8)

27 ኤንቲ ዛሪዲ ዮሩሳላሜ ቢዶሶና። ዮሱሲ ያሳ ኬላን ሃሙቲሺን፤ ካሂኔ ሃላቃቲ፤ ሂኔ አስታማሬቲኔ ጨማቲ ኢያኮ ዩዲ። 28 «ኔኒ ሃይሳ አሳናው ኔው አይ ማቲ ዴዲ? ዎይኮ ኔው ሃ ማታ ኢሚዳይ እኔ?» ያጊዶሶና።

29 ዮሱሲ ዛሪዲ ኤንታኮ፤ «ታ ሂንቴና ኢሲባ አይቻና፤ ታው አዲቴ። ታ ቃሲ ሃይሳ አይ ማታን አሲያኮ፤ ሂንቴው አዳና።

30 ዮሃንሳ ሂንቃቲይ ያሳፌዬ ዎይኮ አሳፔ? ታው አዲቴ» ያጊሰ።

31 ኤንቲ ባንታ ጊዶን ፓላማ ዶሚዲ፤ «ኮኒ፤ <ያሳፌ> ጊኮ፤ ኢ ኮኮ፤ <ያቲን፤ ዮሃንሲ አዲዳይሳ አይስ አማኒቤኬቲ?» ያጋና።

32 <አሳፔ ጊኮ> አሳ ኡባይ ዮሃንሲ ናቤ ጊዴይሳ ኤሮሶና።» ያኒያ ጊሾ አሳስ ያዩዶሶና። 33 ሄሳ ጊሾ፤ ኤንቲ ዮሱሳኮ፤ «ኮኒ ኤሮኮ» ያጊዲ ዛሪዶሶና።

ዮሱሲ፤ «ታኒካ ሃይሳ አይ ማታን አሲያኮ፤ ሂንቴው አዲኬ» ያጊሰ።

12

ዎይኔ ቶኪያ ጎሻንቾታ ሌሚሶ

(ማቶ 21:33-46፤ ሉቃ 20:9-19)

1 ዮሱሲ ኤንታው ሌሚሶን ያጊዲ አዲስ፤ «ኢሲ ኡራይ ዎይኔ አታኪልቴ ቶኪዲ፤ ዩሺ አሲዲ ዲርሲ ዲሪስ። ቃሲ ሄ ዎይኒያ ጉምዲያ አላካ ቦኪስ። ኢያ ናጋናው አዱሳ ሻኮ ሻኪስ። ሄሳፌ ጉዬ፤ ኮሴ አሲያ አሳስ ኢሚዲ፤ ሃራ ቢታ ቢስ። 2 ዎይኔ አይፊያ ማዲያ ዎዴይ ጋኪን፤ ባና ጋኪይሳ ኤኪዲ ያና ሜላ፤ ኢሲ ባ አይሊያ ኮሴ አዋታኮ ኪቲስ። 3 ኮሴ አዋቲ ኢያ አይሊያ አይኪዲ ዋዲዲ፤ ሜላ ኩሼ ዮዲዶሶና። 4 ናምዓንሶ ሃራ አይሌ ኤንታኮ ኪቲን፤ ኤንቲ ሄ አይሊያስ ሁዲያ ቆዲዲ ካወሺዲ ዮዲዶሶና። 5 ዎይኔ አታኪልቴያ ጎዳይ ቃሲካ ሃራ አይሌ ኪቲስ። ሄ አይሊያ ዎዲዶሶና፤ ቃሲ ሃራ ዳሮታ ሄሳዳ አሲዶሶና፤ ኢሶታ ኢሶታ ዋዲዲ፤ ሃራታ ዎዲዶሶና።

12:1 ኢሳ 5:1

6 «ዎይኔ አታኪልቲያ ጎዳስ ኪታናው ኡባፌ ዉርቤሳን ኢ ዳር ደሲያ ባ ናዓ ገላሊ አቲስ። ኢ፥ «ኤንቲ ታ ናዓ ቦንቾና አጎኮና» ጊዲ፥ ባ ናዓ ኤንታኮ ኪቲስ።

7 «ሺን ኮሴ አዋቲ ባንታ ጊደን፥ <ላታናይሲ ሃይሳ፤ ዩዲቲ ኢያ ዎዲስ፤ ኢያ ላታይ ኑባ ጊዳና!> ያጊደሶና። 8 ናዓ አይኪዲ ዎዲዲ፥ ኢያ አሃ ዎይኔ አታኪልቲያ ጊደፌ ጋፃ ኬሲ ሆሊደሶና።

9 «ሂዛ፥ ዎይኔ አታኪልቲያ ጎዳይ ዋታኔ? ዩዲ ሄ ኮሴ አዋታ ዎዲ አንጊዲ፥ ዎይኒያ ኮሴ አሲያ ሃራ አሳስ ኢማና።

10-11 <ጊምቤይሳቲ ቦሪዲ ኢዲዳ ሹቻይ

ጎዳ ገጹዋ ሚንሲያ፥

ኡባፌ አዲያ ሹቹ ጊዲስ።

ሃይሲ ጎዳይ አሲዳባ፤

ቃሲ ኑ አይፊያስካ ማላሊሲያባ

ያጊይሳ ጊሻ ማፃፍፍ ናባቢኬቲ?» ያጊስ።

12 ካሂኔ ሃላቃቲ፥ ሂጌ አስታማሬቲኔ ጨማቲ ዩሱሲ ሄ ሌሚሱዋ ባንታ ቦላ ሌሚሲዳይሳ ኤሪዳ ጊሾ ኢያ አይካናው ኮዩደሶና፥ ሺን አሳስ ያዩዲ፥ አጊ ቢደሶና።

ጊራ ጊሮባ

(ማቶ 22:15-22፤ ሉቃ 20:20-26)

13 ቃሲ ኢያ አዳፎ ባላ ዴሚዲ፥ ኢያ አይካና ሜላ፥ ፋሪሳዊታፎኔ ሄሮዲሳ ባጋታፎ ጉሳ አሳታ ኢያኮ ኪቲደሶና።

14 ኤንቲ ኢያኮ ዩዲ፥ «አስታማሪያው፥ ኔኒ ቱማ ኦዴቴይሳኔ አሳፎ አሴ ሻኮናይሳ ኑኒ ኤሮስ። ኔኒ አሴ ዱማያካ፤ ቃሲ ያሳ አጊያ ቱማቴሳን ታማርሳሳ። ኑኒ ሮሜ ቢታ ካዉዋ ቁሳሬስ ጊራ ጊራይሲ ዎጊዩ ዎጋ ጊደፌ? ጊራ ጊራኔ አጋኔ?» ያጊደሶና።

15 ሺን ኤንታ ጨቦቴሳ ዩሱሲ ኤሪዲ፥ «ታና አይስ ፓጩቲ? አኔ ኢሲ ሳንቲሜ ታና ቤሲቴ» ያጊስ። 16 ኤንቲ ኢያው ኤሂደሶና፥ «ሃ ማላይኔ ሱንሳይ ኦዴይሴ?» ያጊዲ ኤንታ አይቺስ። ኤንቲ፥ «ሮሜ ካዉዋ ቁሳሬይሳ» ያጊደሶና።

17 ዩሱሲ ዛሪዲ፥ «ያቲኮ፥ ቁሳሬይሳ ቁሳሬስ፥ ያሳይሳ ያሳስ ኢሚቴ» ያጊን ኤንቲ ኢያባ ማላሌቲደሶና።

ሃይቆፎ ዴንዶባ

(ማቶ 22:23-33፤ ሉቃ 20:27-40)

18 ሃይቆዳ አሲ ዴንዴና ጊያ ሳዱቃዊታፎ ኢሲ ኢሲ አሳቲ ዩሱሳኮ ዩዲ፥ ሃይሳዳ ያጊዲ፥ ኢያ አይቺደሶና።

19 «አስታማሪያው፥ ሙሴይ ኑስ ሂጊያ ገፊሼ፥ <ማቾ ኤኪዳ

አሲ ናዓ ዩሎና ሃይቂኮ፥ ሄ ሃይቂዳይሳ ኢሻይ ኢያ ማቸው ኤኪዲ፥ ባ ኢሻስ ናዓ ዩላናው ቤሴስ) ያጌይሳ ገፊስ።²⁰ ቤኒ ዎዴ ላፑን ኢሻቲ ዴዔይሳታፕ ባይራይ ማቾ ኤኪዲ፥ ናዓ ዩሎና ሃይቂስ።²¹ ናምዓንሶይ ኢዮ ኤኪስ፥ ኢካ ናዓ ዩሎና ሃይቂስ። ሄቫንሶይካ ሄሳዳ ሃኒስ።²² ላፑናቲካ ሄሳሶ ኢዮ ኤኪዲ፥ ናዓ ዩሎና ሃይቂዶሶና። ኡባፌ ጉዩ፥ ቃሲ ሄ ማጫሲያ ሃይቃሱ።²³ ያቲን፥ ላፑናቲ ኢዮ ኤኪዳ ጊሾ ሃይቂዳ አሳይ ሃይቆፕ ዴንዲያ ጋላስ፥ ኢያ ኤንታፌ አዉሳስ ማቾ ጊዳኔ?» ያጊዶሶና።

²⁴ ዩሱሲ ዛሪዲ፥ «ሂንቴ ባሌይ፥ ጌሻ ማፃፋታ ዎይኮ ያሳ ዎልቃ ኤሮና ጊሾሳ! ²⁵ ሃይቂዳ አሳይ ሃይቆፕ ዴንዲያ ጋላስ፥ ሳሎን ዴዒያ ኪታንቾታ ሜላ ጊዳናፕ አቲን አዴ አሳይ ኤኮኮና፤ ማጫ አሳይ ጌሌኮና። ²⁶ ሺን ሃይቂዳይሳታ ዴንዲያባ ጊዲኮ፥ ሙሴ ማፃፋን ገፊቲዳ ፀጌቲያ ቡሪያባ አዲያ ቤሳን፥ ያሳይ ሙሴኮ፥ <ታኒ፥ አብራሃሜ ያሳ፥ ዩሳቃ ያሳ፥ ያይቆባ ያሳ) ጊዳይሳ ናባቢቤኬቲ? ²⁷ ሄሳ ጊሾ፥ ኢ፥ ጋፃ ዴዔይሳታ ያሳፌ አቲን ሃይቂዳይሳታ ያሴ ጊዴና፥ ሂንቴ ዳሮ ባሊዴታ» ያጊስ።

ኡባፌ አዲያ ኪታ

(ማቶ 22:34-40፤ ሉቃ 10:25-28)

²⁸ ሂጌ አስታማሬታፕ ኢሶይ ኤንቲ ጋላሜይሳ ሺቂዲ ሲዒስ፥ ቃሲ ዩሱሲ ኤንታው ሎይሲ ዛሪዳይሳ ሲዒዲ፥ «ኪታ ኡባፌ አዲያ ኪታይ አዉሴ?» ያጊዲ ዩሱሳ አይቺስ።

²⁹ ዩሱሲ ዛሪዲ፥ ኢያ ሃይሳዳ ያጊስ፥ «ኪታ ኡባፌ አዲያ ኪታ ሲዒቱ፤ <ኢስራዔሌ አሳው፥ ጎዳይ ኑ ያሳይ ኢሲ ጎዳ።

³⁰ ኔ ጎዳ ኔ ያሳ ኔ ኩሜሳ ዎዛናፕ፥ ኔ ኩሜሳ ሽምፑዎፌ፥ ኔ ኩሜሳ ቆፋፕ፥ ኔ ኩሜሳ ዎልቃፌ ዶሳ) ያጌስ። ³¹ ቃሲ ኪታ ኡባፌ አዲያ ናምዓንሶ ኪታይ ሃይሳ፤ <አሴ ኡባ ኔ ሁዒያዳ ዶሳ) ያጌይሳ፤ ሃይሳታፕ አዲያ ሃራ ኪቲ ባዎ» ያጊስ።

³² ሂጌ አስታማሬይ ዩሱሳኮ፥ «አስታማሬያው፥ ቱማ ጋዳሳ፤ ኔኒ <የሳይ ኢሲ ያሳ ገላሳ፥ ኢያፕ አቲን ሃሪ ባዎ) ጊዳይሲ ቱማ።

³³ ያሳ ኩሜሳ ዎዛናፕ፥ ኩሜሳ ቆፋፕ፤ ኩሜሳ ዎልቃፌ ዶሴይሲ፤ ቃሲ አሴ ኡባ ባ ሁዒያዳ ዶሴይሲ፥ ፀጊያ ያርሹዎፌ፤ ሃራ ያርሾ ኡባፌ አዲስ» ያጊስ።

³⁴ ዩሱሲ ሂጌ አስታማሬያ ዛሮይ አዲያ ኤራንቾ አሳ ዛሮ ጊዲዳይሳ ቤዒዲ፥ «ኔኒ ያሳ ካዎቱሳፌ ሃካባካ» ያጊስ፤ ሄሳፌ ጉዩ፥ ዩሱሳ ሃራባ አይቻናው አኒካ ሚኒቤና።

12:19 ዛሬ 25:5 12:26 ኬሳ 3:6 12:28 ሉቃ 10:25-28 12:29 ዛሬ 6:4-5 12:31 ሌዌ 19:18 12:32 ዛሬ 4:35 12:33 ሆሴ 6:6 12:34 ሉቃ 10:25-28

ኪሪስቶስ አዴ ናዔ

(ማቶ 22:41-46፤ ሉቃ 20:41-46)

³⁵ ዮሱስ ሦሳ ኬሳን ታማርሲሼ፥ ሃይሳዳ ያጊስ፡ «ሂጌ አስታማሬቲ ኪሪስቶስ ምይጊዲ ዳዊቴ ናዓ ጎና? ³⁶ ዳዊቴይ ጌሻ አያናን ኩሚዲ፥

ጎዳይ፥ ታ ጎዳ፥ «ታኒ ኔ ሞርኬታ

ኔ ቶሆይ ዮዲያሶ አሳና ጋካናው፥

ሃይሳን ታፔ ኡሻቻ ባጋራ ኡታ» ጊስ።

ያጊስ፡ ³⁷ ዳዊቴይ ባ ሁዔን ኪሪስቶስ፥ ጎዳ። ጊዲ ዩጊኮ፥ ያቲን፥ ኪሪስቶስ ሞኒዲ፥ ዳዊቴ ናዓ ጊዲ» ያጊስ።

ዳሮ አሳይ ዮሱስ ጌይሳ ኡፋይሳን ሲዒዶሶና።

ዮሱስ ሂጌ አስታማሬታኔ ፋሪሳዌታ ቦሪስ

(ማቶ 23:1-36፤ ሉቃ 20:45-47)

³⁸ ዮሱስ ታማርሲሼ፥ ሃይሳዳ ያጊስ፡ «ሂጌ አስታማሬታፔ ናጌቲቱ፤ ኤንቲ አዱሳ ማፖ ማዒዲ ዩዩይሳኔ ጊያንካ አሳይ ኤንታ ቦንቹዲ ሳሮጴይሳ ዶሶሶና። ³⁹ ኤንቲ አይሁዴ ምሳ ኬሳታን ዳሮ ሎፖ አይዴ ዶሶሶና፤ ቃሲ አሲ ባንታና ሞኪያ ቤሳን ቦንቾ ቤሲ ዶሶሶና። ⁴⁰ ኤንቲ አምዔታ ኬሳ ቦንቁዲ፥ ባንታው ሎፖ ዳናናው ምሳ አዱሶሶና፤ ኤንቲ ኡባፌ አዲያ ፒርዳ ኤካና» ያጊስ።

አምዔ ሙፃታ

(ሉቃ 21:1-4)

⁴¹ ዮሱስ ሦሳ ኬሳን ሙፃታ ዩጊያ ሳዒኒያ ማታን ኡቲዲ፥ አሳይ ባ ሚሺያ ሄ ሳዒኒያን ዩጌይሳ ቤዒስ፤ ዳሮ ዱሬ አሳይ ዳሮ ሚሺያ ሄ ሳዒኒያን ዩጎሶና። ⁴² ኢሲ ማንቆ አምዒያ ያዳ፥ ናምዑ ባካናታ ሄ ሳዒኒያን ዩጋሱ። ⁴³ ዮሱስ ባ ታማሬታ ዩጊዲ፥ «ታኒ ሂንቴው ቱማ አዳይስ፤ ሙፃታ ሳዒኒያን ዩጊዳ አሳ ኡባፌ ሃ ማንቆ አምዒያ ዳርሳዳ ዩጋሱ። ⁴⁴ አይስ ጊኮ፥ ሃሬቲ ኡባይ ባንታው ፓላሂዳ ሚሺያፔ ዩጊዶሶና። ሺን ኢያ ባ ፓጩያፌ፥ ባው ዴዒያ አቁዋ ኩሜሲ ኢማሱ» ያጊስ።

13

ዮሱስ ሦሳ ኬሳይ ሳሌታናይሳ ኮይሮቲዲ አዲስ

(ማቶ 24:1-2፤ ሉቃ 21:5-6)

¹ ዮሱስ ሦሳ ኬሳፌ ኬዩሺን፥ ኢያ ታማሬታፔ ኢሶይ፥ «አስታማሬያው፥ ሃ ሎፖ ሹቻኔ ሃ ሎፖ ሹቻ ኬሳ ቤዓይ!» ያጊስ።

² ዮሱሲ ዛሪዲ፥ «ሃ ጊታ ሹቻ ኬላ ቤዓይ? ሃ ኬላይ ሹቺ ሹቻ ቦላ ጊምቤቲዳ ሜላ ላሌቶና አቴና፤ ኢሲ ሹቺካ አቶና ኡባይ ላሌታና» ያጊስ።

ጎዳይ ያናፔ ኮይሮቲዲ ጋካና ጎዳኔ ዋያ
(ማቶ 24:3-14፤ ሉቃ 21:7-19)

³ ዮሱሲ ያሳ ኬላፌ ሂኒ ባጋራ ሻማሆ ዴሪያ ቦላ ኡቲዳሺን፥ ጴጊሮሲ፥ ያይቆቢ፥ ዮሃኒሲኔ ኢንዲሪያሲ ባንታርካ ኢያኮ ዩዲ፥
⁴ «ሃይሲ አዉዴ ሃናኔኮ፥ ኑስ አዳ፤ ሃ ኡባይ ፖሌታና ዎዲያ ኤሪሲያ ማላታይ አይቤ?» ያጊዲ አይቺዶሶና።

⁵ ዮሱሲ ቃሲ ኤንታው ሃይሳዳ ያጊዲ አዲስ፡ «ሂንቴና አኒካ ባሌሶና ሜላ ናጌቲቴ።⁶ ዳሮ አሳቲ ታ ሱንሳን፥ (ታኒ ኪሪስቶሳ) ያጊዲ ታማርሲሼ ዩዲ፥ ዳሮ አሳ ባሌሳና።⁷ ማታን ዴዲያ አላኔ ሃሆን ዴዲያ አላ ዎሬ ሂንቴ ሲዲያ ዎዴ ሂርጎሬቴ። ሄሳ ሜላባይ ሃናናው ቤሴስ፥ ሺን ዉርሴሳይ ቡሮና።⁸ ኢሲ ቢታ አሳይ ሃራ ቢታ አሳራ አሌታና፤ ቃሲ ኢሲ ካዎቴሳይ ሃራ ካዎቴሳታራ አሌታና፤ ቢታ ቃዎይ ኡባ ቤሳን ሃናና፤ ኮሻይ ዳና፥ ሺን ሄሲ ኡባይ ዮሎ ኢቁሳስ ዞኬ ሜላ።

⁹ «ሺን ሂንቴ፥ ሂንቴ ሁዔን ናጌቲቴ። አይስ ጊኮ፥ አሲ ሂንቴና አይኪዲ፥ ፒርዳ ኬሳስ አሳ ኢማና፤ ቃሲ አይሁዴ ዎሳ ኬሳታንካ ሂንቴና ሊሶን ጋራፋና፤ ዴሪያ ሃራይሳታ ሲንሳኒኔ ካዎታ ሲንሳን ታ ጊሾ ሂንቴ ማርካታናው ኤቃና።¹⁰ ዉርሴሳይ ጋካናፔ ሲንሴ ዎንጌላይ ኮይሮ ዴሬ ኡባስ አይታናው ቤሴስ።¹¹ ኤንቲ ሂንቴና ፒርዳ ኬሳ ኤሂያ ዎዴኔ አሳ ኢሚያ ዎዴ ዎይጊዲ አዳኔኮ ኮይሮ ሂርጎሬቴ፤ ሄ ሳቲያን ያሳይ ሂንቴው ኢሚያባ አዲቴ። ሂንቴናን ጌሻ አያይይ አይቴሲፔ አቲን ሂንቴና ጊዴኬታ።

¹² «ኢሻይ ባ ኢሻ፥ አዋይ ባ ናዓ ዎዲሳና። ናይቲ ባንታና ዮሊዳይሳታ ቦላ ዴንዲዲ፥ ኤንታ ዎዲሳና።¹³ አሳይ ኡባይ ሂንቴና ታ ሱንሳ ጊሾ ኢፃና፥ ሺን ዉርሴሳ ጋካናው ሚኒዳይ አታና።

ዮሩሳላሜ ጋካና ኢታ ሜቱዋ
(ማቶ 24:15-28፤ ሉቃ 21:20-24)

¹⁴ «ሺን ባሻ ቱናቴሳይ ኤቃናው ቤሶና ቤሳን ኤቁዳሺን ሂንቴ ቤዓና።» (አኬኪሶ፡ ሄሲ ዎይ ጉሴኮ ናባቤይሲ አኬኮ!) «ዮሁዳ ቢታን ሄ ዎዴ ዴዔይሳቲ ዴሪያኮ ባቃቶ።¹⁵ ኬሳ ሁዔን ዴዲያ ኡራይካ ኢሲባ ኤካናው ዱጌ ዎዲዲ፥ ባ ሶ ጌሎ።¹⁶ ጋዴን

13:9 ማቶ 10:17-20፤ ሉቃ 12:11-12 13:13 ማቶ 10:22 13:14 ዛሬ
9:27፤ 11:31፤ 12:11 13:15 ሉቃ 17:31

ዴዴሲ ባ ማዑዋ ኤካናው ጉዩ ሲሞር። 17 ሄ ዎዴ ቃንሳቲዳ ማጫሳታሲኔ ዳንሲያ ማጫሳታስ ዳር ኡንዓ ጊዳና። 18 ሺን ሃይሲ ኡባይ ሃኒያ ዎዴይ ባልጎ ጊዶና ሜላ፣ ዶሳ ዎሲቴ። 19 አይስ ጊኮ፣ ዶሳይ አላሚያ ሜዲዳ ዎዲያፔ ዶሚዲ፣ ሃዲ ጋካናው ሃኒቦና ሜቶይኔ ሲንሳፊካ ሃኖና ሜቶይ አሳ ቦላ ሄ ዎዴ ሃናና። 20 ጎዳይ ሄ ጋላሳታ ታይቡዋ ጉሶናኮ፣ አሴ ጊዲዳይ አኒካ አቴና። ሺን ኢ ባ ዶሪዳ አሳ ጊሾ ሄ ጋላሳታ ታይቡዋ ጉሴስ።

21 «ሄ ዎዴ አኒካ ሂንቴና፣ <ሄኮ፣ ኪሪስቶሲ ሃይሳን ዴዴስ ዎይኮ ኪሪስቶሲ ሂኒን ዴዴስ> ያጊኮ፣ ሄሳ አማኖፒቴ። 22 ዎርዳንቾ ኪሪስቶሳቲኔ ዎርዶ ናቤቲ ዴንዲዲ ባንታው ዳንዳዔቲኮ፣ ሃሪ አቶሺን ዶሳይ ዶሪዳይሳታካ ባሌሳናው ማላታታኔ ማላሊሲያባታ ቤሳና። 23 ሺን ሂንቴ ናጌቴቴ፣ ታኒ ሂንቴው ኡባባ ካሴታዳ አዳስ።

ኪሪስቶሳ ናምዓንሶ ዩሳ
(ማቶ 24:29-31፤ ሉቃ 21:25-28)

24 «ሺን ሄ ዎዴ ሄ ዋያፔ ጉዩ፣ አዋይ ዲማና፤

አጌናይ ፖዑዋ አጋና፤

25 ዶሊንቶቲ ሳሎፔ ኩንዳና፤

ቃሲ ሳሎን ዴዲያ ዎልቃቲካ ቃፃና።

26 ሄ ዎዴ አሳ ናዓይ፣ ጊታ ዎልቃራኔ ቦንቹዋራ ሻራ ጊዶራ ዩሺን ኤንቲ ቤዓና። 27 ሄ ዎዴ ታኒ ኪታንቾታ ሳዓ አይዱ ባጋ ኪታና፤ ሳዓ ጋፃፔ ሳሎዋ ጋፃ ጋካናው፣ ዶሳይ ዶሪዳ አሳ ሺሻና።

ዎዴይ ጋኪዳይሳ ኤሪሲያ ባላሴ ሚሲው
(ማቶ 24:32-35፤ ሉቃ 21:29-33)

28 «ሌሚሱዋ ባላሴ ሚሳፌ አኬኪቴ፤ ባላሲያ አጨያ ዎዴኔ ኢ ሃይሳይ ጨልዲያ ዎዴ ቶርቹይ ማታቲዳይሳ ሂንቴ ኤሬታ። 29 ሄሳዳካ፣ ሂንቴ ሄ ኡባባይ ሃኔይሳ ቤዲያ ዎዴ ኢ ማቲዲ ፔንጌ ጋኪዳይሳ ኤሪቴ። 30 ታኒ ሂንቴው ቱማ አዳይስ፤ ሃ ኡባባይ ሃናና ጋካናው ሃይሳን ዴዲያ አሳ ኡባይ ሃይቆና። 31 ሳሎይኔ ሳዓይ አዳና፣ ሺን ታ ቃላይ ኡባራካ አዴና።

ጎዳይ ያና ጋላሳኔ ሳቲያ አኒካ ኤሬና
(ማቶ 24:36-44)

13:19 ዛሬ 12:1፤ ዮቆ 7:14 13:24 ኢሳ 13:10፤ ኤር 2:10 13:25 ኢሳ 34:4፤ ዮቆ 6:13፤ ኤር 2:10 13:26 ዛሬ 7:13፤ ዮቆ 1:7

32 «ሺን ሄ ጋላሳይ ሄ ሳቲያ አዋ 9ላላፔ አቲን ሃሪ አቶሺን ሳሎን ዴዲያ ኪታንቾታ ጊዲን ዎይኮ ናግ ጊዲን አኒካ ኤሬይ ባዋ። 33 ሄ ዎዴይ አዉዴ ጊዳኒኮ፥ ሂንቴ ኤሮና ጊሾ ናጌቲቴኔ ሚኒቴ። 34 ታ ዩሳይ ባ ኬሳ አጊዲ፥ አጌ ቢያ ኡራ ሜላ። ኡራይ ባ አይሌታ ሁዔን ሁዔን አሱዋ ኢሚዲ ኤንታ ባ አሱዋስ አዋ አሲስ፤ ቃሲ ናጌይሲካ ሚንሲዲ ናጋና ሜላ ኪቲስ። 35 «ሄሳ ጊሾ፥ ሚኒቴ። አይስ ጊኮ፥ ኬሳዋይ አማርሲ ጊዲን ዎይኮ ጊዲ ቢላሄ ጊዲን ዎይኮ ኩቶ ዋሶ ጊዲን ዎይኮ ዎንታ ጉራ ጊዲን አዉዴ ያኒኮ፥ ሂንቴ ኤሬኬታ። 36 ሂንቴ አኬኮና ኢ ዩዲ ሂንቴና ዲስኪዲ ዴዲሺን ዴዎና ሜላ ሚኒቴ። 37 ታኒ ሂንቴው አዴይሳ አሳ ኡባስ አዳይስ፤ ሚኒቴ» ያጊስ።

14

ኪሪስቶስ ቦላ ማቄቲዶሶና

(ማቶ 26:1-5፤ ሉቃ 22:1-2፤ ዮሃ 11:45-53)

1 ፓሲካ ባሌ ቦንቺያ ጋላሳይ ኡይሳ ባሌ ቦንቺያ ጋላሳይ ጋካናው ናምዑ ጋላሲ አቲስ። ካሂኔ ሃላቃቲኔ ሂጌ አስታማሬቲ አሲ ኤሮና ዩሱሳ አይኪዲ ዎዲያ አጌ ኮዮሶና። 2 «አሳይ አሺ ኬሶና ሜላ ፓሲካ ቦንቺያ ጋላሳን ሄሳ አሶስ» ያጊዶሶና።

ዩሱሳ ሺቱዋ ቲዩዳ ማጫሲው

(ማቶ 26:6-13፤ ዮሃ 12:1-8)

3 ዩሱሲ ቢታኒያ ካታማን ባሮ ሃርጋንቺዋ ሲዋና ሶን ጊቢራ ቦላ ኡቲዳሺን፥ ኢሲ ማጫሲያ አልባስጊሮሴ ጊያ ሹቻሬ አሴቲዳ ጲልቃዪ ኩሜሳ ናርዶሴ ጊያ ዳሮ አልዎ ሺቶ ኤካዳ ያሱ። ሄ ጲልቃዪ ሜንሳዳ ሺቱዋ ዩሱሳ ሁዲያን ቲጋሱ። 4 ሄ ቤሳን ዴዲያ አሳፔ ኢሶይ ኢሶይ ሃንቄቲዲ፥ «ሃ ሺቶይ ሜላ ጮ ኢቴይ አይቢሴ? 5 ሃ ሺቱዋ ሄሹ ዪቱ ዲናሬን * ባይዚዲ፥ ሚሺያ ማንቆታስ ኢማናው ዳንዳዔቴስ» ያጊዲ ባንታ ጊዶን አዴቲዶሶና። ያቲዲ፥ ሄ ማጫሲው ዳሮ ቦሪዶሶና።

6 ሺን ዩሱሲ «ሃ ማጫሲው አይኮካ ጎፒቲ፤ ኢዮ አይስ ዋይሴቲ? ኢያ ታው ሎዎባ አሳሱ። 7 ማንቆቲ ኡባ ዎዴ ሂንቴራ ዴዎሶና። ሂንቴ ኮዩዳ ዎዴ አዉዴካ ሂንቴ ኤንታ ማዳናው ዳንዳዔታ፥ ሺን ታኒ ኡባ ዎዴ ሂንቴራ ዴዲኬ። 8 ኢያ ባ ዳንዳዲዳይሳ አሳሱ፤ ቃሲ ታና ዋጎስ ጊጊሳናው ካሴታዳ ሺቶ

13:32 ማቶ 24:36 13:34 ሉቃ 12:36 14:1 ኬሳ 12:1 14:3 ሉቃ 7:37 * 14:5 ሄሹ ዪቱ ዲናሬ፡ ኢሲ አሳስ ላይሳን ጨጌቲያ ሎዎ ዳዎዜፔ ቦላ ጊዲያ ሚሺ። 14:7 ዛሬ 15:11

ቲያሱ።⁹ ታኒ ሂንቴው ቱማ አዳይስ፤ ሳዓ ኡባን ዎንጊላ ኦዲያሶን አውንካ፣ አሳይ ኢዮ አኬካና ሜላ ሃ ኢያ አሲዳይሲ አዴታና» ያጊስ።

ዩሁዲ ዩሱሳ አሲዲ ኢማናው ዞሬቲስ

(ማቶ 26:14-16፤ ሉቃ 22:3-6)

¹⁰ ታማኔ ናምዑ ታማሬታፕ ኢሶይ አስቆሮታ ዩሁዳ ጌቴቴይሲ ዩሱሳ ካሂኔ ሃላቃታስ አሲ ኢማናው ኤንታኮ ቢስ። ¹¹ ኤንቲ ሄሳ ሲዒዳ ዎዴ ኡፋይቲዲ፣ «ኮኒ ኔው ሚሽ ኢማና» ያጊዶሶና፤ ዩሁዲ ዩሱሳ አሲ ኢማናው ኢንጄ ዎዴ ኮዩስ።

ዩሱሲ ባ ታማሬታራ ፓሲካ ሚስ

(ማቶ 26:17-25፤ ሉቃ 22:7-14፤ 21-23፤ ዮሃ 13:21-30)

¹² ኡይሳ ባሌይ ቦንቼቲያ ኮይሮ ጋላስ፣ ፓሲካ ካሳ ማናው ማራዜ ሹኪያ ዎዴ ዩሱሳ ታማሬቲ ኢያኮ፣ «ፓሲካ ቦንቼያ ጋላስ ኔኒ ማና ካሳ ኮኒ አው ቢዲ ጊጊሲኖ?» ጊዲ አይቼዶሶና።

¹³ ዩሱሲ ባ ታማሬታፕ ናምዓታ ሃይሳዳ ያጊዲ ኪቲስ፣ «ካታማ ቢቱ፤ ሂንቴ ቢሸን፣ አቶራ ሃሌ ቶኪዳ ኢሲ ኡራይ ሂንቴራ ጋሄታና፤ ኢያ ካሊቱ። ¹⁴ ኢ ቢዲ ጌሊያ ኬሳዎ፣ «አስታማሬይ ኔኮ፣ «ታኒ ታ ታማሬታራ ፓሲካ ማናው ኢማሳ ኪፊሌይ አውኔ?» ያጊስ» ያጊቱ። ¹⁵ ኬሳዎይ ሂንቴና ፖቂያ ቦላ ዴዒያ ጊጊ ኡቲዳ ዳልጋ ኪፊሌ ቤሳና፤ ሄሳን ጊጊሲቱ» ያጊስ።

¹⁶ ሄ ናምዑ ታማሬቲ ኬዩዲ፣ ካታማ ቢዶሶና፤ ዩሱሲ ኤንታው አዲዳይሳዳ ዴሚዲ፣ ፓሲካ ካሳ ጊጊሲዶሶና።

¹⁷ ሳዓይ አማርሲያ ዎዴ ዩሱሲ ታማኔ ናምዑ ታማሬታራ ያ ቢስ። ¹⁸ ኤንቲ ኡቲዲ ካሲ ሚሸን፣ ዩሱሲ ኤንታኮ፣ «ታኒ ሂንቴው ቱማ አዳይስ፤ ሂንቴፊ ኢሶይ ታራ ሜይሲ፣ ታና አሲ ኢማና» ያጊስ።

¹⁹ ኢያ ታማሬቲ ዳጋሚዲ፣ ባንታ ሁዔን ሁዔን፣ «ቱማ ታኔሻ?» ያጊዲ ኢያ አይቼዶሶና።

²⁰ ዩሱሲ ዛሪዲ፣ «ሄ ኡራይ ሂንቴ ታማኔ ናምዓታፕ ኢሱዎ፤ ኢ ታራ ኢሲፊ ቱሻናው ባ ኡይሳ ሻቲያን ዩዴይሳ። ²¹ አሳ ናዓይ፣ ጌሻ ማፃፋይ ሃይቃና ጊዳይሳዳ ሃይቃና፣ ሸን አሳ ናዓ፣ አሲ ኢሚያ ኡራ አዩ። ሄ ኡራይ ዩሌቶና አቲዳኮ ኢያው ሎዎሸን» ያጊስ።

ጎዳ ካሁዎ

(ማቶ 26:26-30፤ ሉቃ 22:14-20፤ 1ቆሮ 11:23-25)

22 ኤንቲ ሚሺን፣ ዩሱሲ ኡይሳ ኤኪዲ፣ ሦሳ ጋላቲስ፤ ሄ ኡይሳ ሜንሲዲ፣ ባ ታማሬታስ ኢሚሼ፣ «ሄዲቱ፣ ሃይሲ ታ አሹዋ» ያጊስ።

23 ፀዓ ኤኪዲ፣ ሦሳ ጋላቲዲ፣ ኤንታው ኢሚን ኡባይካ ሄ ፀዓፕ ኡዩዶሶና። 24 ዩሱሲ፣ «ሃይሲ አራሳ ጫቁዋን ዳሮ አሳ ጊሾ ጉኪያ ታ ሱላ። 25 ታኒ ሂንቱው ቱማ አዳይስ፤ ታኒ ሦሳ ካዎቴሳን አራሳ ዎይኒያ ኡያና ጋላሳይ ጋካናው ዛራዳ ሃ ዎይኒያፕ ኡዩኬ» ያጊስ።

26 ማዘሙሬ ዩዲዳፕ ጉዩ ሻማሆ ዴሪያ ቦላ ቢዶሶና።

ጴጊሮሲ ካዳናይሳ ዩሱሲ ኮይሮቲዲ አዲስ
(ማቶ 26:31-35፤ ሉቃ 22:31-34፤ ዮሃ 13:36-38)

27 ዩሱሲ ኤንታኮ፣ «ሂንቱ ኡባይ ታና ዩጊ አጊዲ ባቃታና፤ ጌሻ ማፃፋይ፣

ፀላይ ዶርሳ ሄሜይሳ ዎዳና፣

ዶርሳቲ ኡባይ ላሌታና)

ያጊስ። 28 ሺን ታኒ ሃይቆፕ ዴንዲዳፕ ጉዩ ሂንቱሬ ካሴታዳ ጋሊላ ባና» ያጊስ።

29 ጴጊሮሲ ዛሪዲ፣ «ኤንቲ ኡባይ ኔና ዩጊ አጊዲ ባቃቲኮካ፣ ታ ኔና አጊኬ» ያጊስ።

30 ዩሱሲ ጴጊሮሳኮ፣ «ታኒ ኔው ቱማ አዳይስ፤ ሃቺ ቃማ ኩቶይ ናምዑ ቶሆ ዋሳናፕ ሲንሴ ኔኒ ታና ሄዙ ቶሆ ካዳና» ያጊስ።

31 ሺን ጴጊሮሲ ካሴይሳሬ ሚንሲዲ፣ «ታኒ ሃሪ አቶሺን፣ ኔራ ኢሲሬ ሃይቂያኮካ፣ ኔና ካዲኬ» ያጊስ። ቃሲ ሃራቲ ኡባቲካ ሄሳዳ ጊዶሶና።

ዩሱሲ ጌቴሴማኔን ዎሲስ
(ማቶ 26:36-46፤ ሉቃ 22:39-46)

32 ጌቴሴማኔ ጊያ ቤሳ ቢዶሶና፤ ዩሱሲ ባ ታማሬታኮ፣ «ታኒ ሦሳ ዎሳዳ ሲማና ጋካናው ሂንቱ ሃይሳን ኡቲሺቱ» ያጊስ።

33 ዩሱሲ ጴጊሮሳ፣ ያይቆባኔ ዮሃኒሳ ባራ ኤኪዲ ቢስ፤ ዳሮ ዋዩቲሲኔ ኡንዔቲስ። 34 ቃሲ ኤንታኮ፣ «ታኒ ሃይቃና ጋካናው አዛናስ፣ ሃይሳን ጋምዲሺቱ፤ ዲስኮሬቱ» ያጊስ።

35 ጉሲ ሲንሴ ሺቂዲ፣ ሳዓን ጉፋኒዲ፣ ዳንዳዔቲያ ባ ጊዲኮ፣ ሄ ዋያ ሳቱይ ባፕ አዳና ሜላ፣ ሦሳ ዎሲስ። 36 ቃሲ፣ «አባ፣ ታ አዋው፣ ኡባባይ ኔው ዳንዳዔቲስ፣ ሃ ዋዩ ፀዓ ታፕ ዲጋ። ሺን ኔ ሼኔይ ሃኖፕ አቲን ታ ሼኔይ ሃኖፕ» ያጊስ።

37 ዩሱሲ ባ ታማሬታኮ ሲሚ ዩዲ፥ ኤንቲ ዲስኪዳሺን ደሚዲ፥ ጳጊሮሳኮ፥ «ሲሞና፥ ዲስካዲ? ነኒ ኢሲ ሳቴካ ባርካዳ ናጋናው ዳንዳዓቢኪ?» 38 ፓጩን ሂንቴ ጌሎና ሜላ ባርኪዲ ናጊቴኔ ያሳ ዎሲቴ። ሂንቴው ሎዎ አሞይ ደዔስ፥ ሺን ሂንቴ ዳቡራንቾ አሲ» ያጊስ።

39 ቃሲካ ቢዲ ካሴይሳዳካ ያሳ ዎሲስ። 40 ባ ታማሬታኮ ጉዩ ሲሚዲ ያ ዎዴ ዲስኪዳሺን ደሚስ። ኤንታ አይፊያ ዲስኮይ ጎዜ ዎሲዳ ጊሾ ኢያኮ አይ አዴቴያኮካ ኤርኮና።

41 ሄቫንሶ ኤንታኮ ዩዲ፥ «ሃጺ ጋካናውካ ዲስኬቴኔ ሽምፔቴ? ሂዛ፥ ጊዳና፤ ሳቴይ ጋኪስ፤ ቤዲቴ! አሳ ናዓይ፥ ናጋራንቾ አሳታስ አዲ ኢሜታና ዎዴይ ጋኪስ። 42 ዴንዲዲ ዩዲቴ፤ ቤዲቴ፥ ታና አሲ ኢማናይሲ ጋኪስ» ያጊስ።

ዩሱሲ ባ ሞርኬታ ኩሼን አይኬቴስ

(ማቶ 26:47-56፤ ሉቃ 22:47-53፤ ዮሃ 18:3-12)

43 ዩሱሲ ሄሳ ቡሮ አዲሺን፥ ታማኔ ናምዑ ኢያ ታማሬታፔ ኢሶይ፥ ዩሁዲ፥ ኤሌሲዲ ጋኪ ዎዲስ። ቃሲ ካሂኔ ሃላቃቴ፥ ሂጌ አስታማሬቴኔ ጨማቴ ኪቴን፥ ማሼኔ ፃምዓ አይኪዳ ዳሮ አሳይ ኢያራ ኢሲፊ ዩዶሶና። 44 ዩሱሳ አሲ ኢማናይሲ ሄ ዳሮ አሳስ፥ «ታኒ ዩሬይ ኢያ፤ ኢያ አይኪዲ፥ ሎይሲ ናጊዲ፥ ኤኪ ኤፊቴ» ያጊዲ ማላ አዲ ዎሲስ።

45 ዩሁዲ ጋኪ ዎዲዳ ሜላ ዩሱሳኮ ሸቂዲ፥ «አስታማሪያው» ያጊዲ ዩሱሳ ዮሪ ኤኪስ። 46 ሄ ዳሮ አሳይ ዩሱሳ አይኪዶሶና። 47 ሺን ማታን ኤቂዳይሳታፔ ኢሶይ ባ ማሻ ሾዲዲ ካሂኔ ሃላቃ አይሲያ ሾጩዲ፥ ኢያ ሃይሳ ቃንዲዲ ሆሊስ።

48 ዩሱሲ ዛሪዲ፥ ሄ ሸቂዳ ዳሮ አሳኮ፥ «ታና ፓንጋ ኬሲዲ፥ ፓንጋ አይኬይሳዳ አይካናው ማሼኔ ፃምዓ አይኪዲ ዩዴቴ? 49 ታኒ ያሳ ኬሳን ታማርሳሼ፥ ጋላስ ጋላስ ሂንቴራ ዴዲያ ዎዴ ታና አይኪቤኬታ፥ ሺን ጌሻ ማፃፋይ ጊዳይሲ ፖሌታናው ቤሴስ» ያጊስ።

50 ኢያ ታማሬቴ ኡባይ ኢያ ዩጊ አጊዲ ባቃቴዶሶና።

51 ላፃና ፃላላ ማዲዳ ኢሲ ናቴሳ ኡራይ ዩሱሳ ካሴይሳ አሳይ አይኪስ። 52 ሺን ሄ ኡራይ ላፃና ዩጊ አጊዲ፥ ጊሬ ካሎ ባቃቴስ።

ዩሱሳ ፐርዳ ሻንጎ ሲንሴ ኤፊዶሶና

(ማቶ 26:57-68፤ ሉቃ 22:54-55፤ 63-71፤ ዮሃ 18:13-14፤ 19-24)

53 አሳይ ዩሱሳ ካሂኔ ሃላቃ ሶ ኤፊዶሶና። ያን ካሂኔ ሃላቃቲ፥ ጨማቲኔ ሂጌ አስታማሬቲ ሺቂዲ ዴዎሶና። 54 ጴጊሮሲ ካሂኔ ሃላቃ ዛባ ጋካናው ሃሆን ኢያ ካሊ ቢዲ ያን ናጌይሳታራ ኡቲዲ ታማ ካዩስ።

55 ካሂኔ ሃላቃቲኔ ሺቂዳ አሳ ኡባይ ዩሱሳ ምዳናው ኢያ ቦላ ማርካ ኮዩዶሶና፥ ሺን አይኮካ ዴሚቦኮና። 56 ዳሮ አሳቲ ኢያ ቦላ ምርዶ ማርካቲዶሶና፥ ሺን ኤንታ ማርካቴሳይ ኢሲኖ ጊዴና።

57-58 ኢሲ ኢሲ አሳቲ ዴንዲ ኤቂዲ ዩሱሳ ቦላ፥ «ኢ፥ <ታኒ አሲ ኪዲዳ ሃ ያሳ ኬሳ ላላዳ፥ አሳ ኩሺን ኪዳቲቦና ሃራ ያሳ ኬሳ ሄዙ ጋላሳ ጊዶን ኬፃና> ጊሺን ኑኒ ሲዲዳ» ያጊዲ ምርዶ ማርካቲዶሶና። 59 ጊዶሺን፥ ኤንታ ማርካቴሳይ ሄሳንካ ኢሲኖ ጊዴና።

60 ካሂኔ ሃላቃይ አሳ ኡባ ሲንሳን ዴንዲ ኤቂዲ፥ «ሃይሳቲ ኔና ሞቲያ ሞቱዋስ ኔ ዛሪያባይ ባዌ?» ያጊዲ ዩሱሳ አይቺስ። 61 ሺን ዩሱሲ ሲዲ ጊስ፤ አይኮካ ዛሪቤና። ካሂኔ ሃላቃይ፥ «አንጄቲዳ ያሳ ናዓይ፥ ኪሪስቶሲ ኔኔዩ?» ያጊዲ ዛሪ አይቺስ።

62 ዩሱሲ ዛሪዲ፥ «ኤ ታና፥ ሂንቴ አሳ ናዓይ፥ ምልቃማ ያሳፌ ኡሻቻ ባጋራ ኡቲዳሺን ቃሲ ሳሉዋ ሻራራ ዩሺን ቤዓና» ያጊስ።

63 ካሂኔ ሃላቃይ ባ ማዑዋ ፕዲዲ፥ «ኑና ሃራ ማርካ አይ ኮሺ? 64 ሂንቴ ኢያ ጫሻ ሲዲ ዴታ፤ ሂንቴ ቆፋይ አይቤ?» ያጊስ። ኤንቲ ኡባይ፥ «ኢ ሃይቃናው ቤሴስ» ያጊዲ ኢያ ቦላ ፐርዲዶሶና።

65 ኤንታፌ ኢሶቲ ኢሶቲ ኢያ ቦላ ጩቴሲ አይኪዶሶና። ኢያ አይፊያ ሃዚዲ ባቂሺ፥ «ኔና ዴቺዳይ አኔ? አኔ ኑስ አዳ!» ያጊዶሶና። ናጌይሳቲ ኢያ ኤኪ ኤፊዲ ጋራፊዶሶና።

ጴጊሮሲ ዩሱሳ ካዲስ

(ማቶ 26፥ 69-75፤ ሉቃ 22፥ 56-62፤ ዮሃ 18፥ 15-18፤ 25-27)

66 ጴጊሮሲ ካሂኔ ሃላቃ ዛባን ጋርሳ ባጋራ ዴዲሺን፥ ካሂኔ ሃላቃ ማጫ አይሌታፕ ኢሲኒያ ያ ያሱ። 67 ጴጊሮሲ ታማ ካዩይሳ ቤዓዳ፥ ቲሺ አሳ ያላዳ፥ «ኔኒካ ናዚሬቴ ዩሱሳራ ዴዓሳ» ያጋሱ።

68 ሺን ጴጊሮሲ፥ «ኔ ጌይሲ አይቤኮ ታ ኤሪኬ፥ ታው አኪኬቴና» ያጊዲ ካዲስ። ያጊ ሲሚዲ ዛን ኬያ ምዴ ሶሁዋራ ኩቶይ ዋሲስ።

69 ሄ አይሊያ ጴጊሮሳ ቤዓዳ፥ ኢያ ማታን ኤቂዳ አሳታኮ፥ «ሃ ኡራይካ ኤንታራ ዴዔስ» ጋዳ ዛራ አዳሱ። 70 ሺን ጴጊሮሲ ቃሲካ ካዲስ።

ጉሲ ጋምሲሺን፥ ማታን ኤቂዳ አሳቲ ናምዓንሶ ጴጊሮሳኮ፥ «ኔኒ ጋሊላ ቢታ አሲ ጊዲያ ጊሾ ቱማ ኤንታራ ዴዓሳ» ያጊዶሶና።

71 ሺን ጴጊሮሲ፥ «ታኒ ሂንቴ ጊያ ኡራ ኤሪኬ!» ያጊዲ ባና ቃንጌሲኔ ጫቆ አይኪስ።

72 ሶሁዋራ ኩቶይ ናምዓንሶ ዋሲ አጊስ። ጴጊሮሲ ዩሱሲ ኢያኮ፥ «ኔኒ ኩቶይ ናምዑ ቶሆ ዋሳናፔ ሲንፊ ሄኹ ቶሆ ታና ካዳና» ኢያኮ ጊዳይሳ አኬኪዲ ዳሮ ዩኪስ።

15

ዩሱሳ ጲላሞሳኮ ኤፊዶሶና

(ማቶ 27:1-2፤ 11-14፤ ሉቃ 23:1-5፤ ዮሃ 18:28-38)

1 ምንታ ጉራ ኤሌሲዲ ካሂኔ ሃላቃቲ፥ ጨማቲ፥ ሂጌ አስታማሬቲኔ አይሁዴ ሻንጎቲ ኡባይ ሺቂዲ ማቂቲዶሶና። ኤንቲ ዩሱሳ ቃቺ ኤፊዲ ጲላሞሳኮ አሲ ኢሚዶሶና።

2 ጲላሞሲ ኢያኮ፥ «ኔኒ አይሁዴታ ካዎ?» ያጊዲ አይቺስ።

ዩሱሲ ዛሪዲ፥ «ኔ ጋዳሳ» ያጊስ።

3 ካሂኔ ሃላቃቲ ዩሱሳ ዳሮባን ሞቲዶሶና። 4 ሺን ጲላሞሲ ዛሪዲ ዩሱሳኮ፥ «ኔው ዛሪያባይ ባዌ? ኤንቲ ኔ ቦላ አይ ሜላ ሞቱዋ ኤሂያኮ ቤዲኪ?» ያጊስ።

5 ሺን ዩሱሲ ሃራባ ዛሮና ኢዲን፥ ጲላሞሲ ማላሌቲስ።

ዩሱሳ ሃይቆ ጊዲ ፐርዲዶሶና

(ማቶ 27:15-26፤ ሉቃ 23:13-25፤ ዮሃ 18:39-40፤ 19:1-16)

6 ጲላሞሳኮ ፓሲካ ባሌ ቦንቺያ ጋላሳን አሳይ ኮያ ኢሲ ኡራ ቃሾፔ ቢሊያ ሜዜይ ዴዔስ። 7 ሄ ዎዴ ኢሲ ባርባና ጊያ ኡራይ አሾ ኬሲዲ ሼምፖ ዎዲዳ አሳታራ ኢሲፌ ቃሾ ኬላን ዴዔስ።

8 ሺቂዳ ዳሮ አሳይ ጲላሞሲ ካሴይሳዳ አሳና ሜላ ኢያ አይቺዶሶና።

9 ጲላሞሲ አሳ ዛሪዲ፥ «ታኒ ሂንቴው አይሁዴታ ካዉዋ ቢላናይሳ ኮቱቲ?» ያጊዲ አይቺስ። 10 ሄሳ ኢ ጊዳይ፥ ካሂኔ ሃላቃቲ ዩሱሳ ቃናቲዲ አሲ ኢሚዳይሳ ኤሪያ ጊሾሳ።

11 ሺን ካሂኔ ሃላቃቲ ዩሱሳ ጊሾ ባርባና ቢላናዳ፥ ሄ ሺቂዳ አሳይ ጲላሞሳ ዎሳና ሜላ አሳ ማቂዶሶና። 12 ጲላሞሲ ዛሪዲ፥ «ያቲን፥ ሃ ሂንቴ አይሁዴ ካዎ ጌይሳ ዋቶ?» ያጊስ።

13 አሳይ ጲላሞሳ ቦላ ዋሲዲ፥ «ማስቃሊያ ቦላ ኢያ ካቃ» ያጊዶሶና።

14 ጲላሞሲ አሳኮ፥ «አይስ? ኢ አይ ኢታባ አሲዴ?» ያጊስ።

ሺን አሳይ ካሴይሳፌ ጉጂ ዋሲዲ፥ «ማስቃሊያ ቦላ ኢያ ካቃ» ያጊዶሶና።

15 ጲላጎሲ አሳ ኡፋይሳናው ኮዬዲ፥ ባርባና አሳስ ቢሊስ፤ ያቲዲ ሊሶን ዮሱሳ ጋራፊዲ፥ ማስቃሊያ ቦላ ካቃና ሜላ ኤንታው አሲ ኢሚስ።

ዎታዳሬቲ ዮሱሳ ቶቺዶሶና
(ማቶ 27:27-31፤ ዮሃ 19:2-3)

16 ሄሳፌ ጉዬ፥ ዎታዳሬቲ ዮሱሳ ዴሪያ ሃሬይሳ አሶ ኬሳ ኤኪ ኤፊዲ፥ ሃራ ዎታዳሬታ ኡባ ኢሲፌ ያጊዶሶና። 17 ቃሲ ዞዎ አፊላ ኢያ ማይዚዶሶና፤ አጉንሳ ካላቻ ጊጊሲዲ፥ ኢያ ሁዒን ዎሲዶሶና። 18 ሄሳፌ ጉዬ፥ ኢያኮ፥ «አይሁዴታ ካዉዋው ሚሪናው ካዎታ» ያጊዲ፥ ኢያው ዚጊዶሶና። 19 ኢያ ሁዒያ ፃምፃን ሾጩዶሶና፤ ቃሲ ኢያ ቦላ ጩቲዶሶና፤ ጉልባቲዲ ኢያው ጎይኒዶሶና። 20 ኢያ ቶቺዳይሳፌ ጉዬ ዞዎ አፊላ ኢያፕ ቃሪ ኤኪዲ፥ ኢያ አፊላ ኢያ ማይዚዲ ማስቃሊያ ቦላ ኢያ ካቃናው ኤኪ ኤፊዶሶና።

ዮሱሳ ካቂዶሶና
(ማቶ 27:32-44፤ ሉቃ 23:26-43፤ ዮሃ 19:17-27)

21 ኤንቲ ቢሼ፥ ኢስኪንዲሬኔ ናፎሳ አዋ፥ ሲሞና ጊያ ቄሬና ቢታ አሲ፥ ጋፃሬፕ ካታማ ዮይሳራ ጋሄቲዲ፥ ዮሱሳ ማስቃሊያ ዎልቃን ቶሲዶሶና። 22 ያቲዲ ጎልጎታ ጊያ ቤሳ ዮሱሳ ኤፊዶሶና። «ጎልጎታ» ጉሳይ «ሁዒ ጉጌ» ጉሱ። 23 ሳኮይ ሲዒቶና ሜላ ካርቤ ጊያ ዳሌይ ዋላኬቲዳ ዎይኔ ኡዮ ጊዲ ኢያው ኢሚዶሶና። ሺን ኢ ኡዮና ኢዲስ። 24 ኤንቲ ማስቃሊያ ቦላ ኢያ ካቂዶሶና። ኦና አይቤ ጋካኔኮ ጊዲ ኢያ አፊላ ሻኪዲ ሳማ ዮጊዶሶና።

25 ኤንቲ ማስቃሊያ ቦላ ኢያ ካቂያ ዎዴ ዎንታፌ ሄሹ ሳቴ። 26 ኤንቲ፥ «አይሁዴታ ካዉዋ» ያጊዲ ኢያ ሞቲያ ፁፌ ፃፊዲ ዎሲዶሶና። 27 ዮሱሳራ ናምዑ ፓንጋታ ኢሱዋ ኢያፕ ኡሻቻ ባጋራ ሃንኩዋ ኢያፕ ሃዲርሳ ባጋራ ማስቃሊያ ቦላ ካቂዶሶና። 28 ጌሻ ማፃፋይ፥ «ኢታባ ኦሲዳ አሳታራ ኢ ፓይዴቲስ» ጌቲቲዳይሲ ፖሌቲስ።

29 አጊያራ አዲያ አሳይ ዮሱሳ ካዲዲ፥ ባንታ ሁዒያ ቃሲዲ ጫዬዶሶና፤ «ሄኮ! ዶሳ ኬሳ ላላዳ ሄሹ ጋላሳ ጊዶን ኬይይሶ፥ ኔ ሁዒያ አሻ፤ 30 አኔ ማስቃሊያ ቦላፌ ዎዳ» ያጊዶሶና።

31 ሄሳዳካ፥ ካሂኔ ሃላቃቲ ሂጊያ ታማርቤይሳታራ ኢሲፌ ዮሱሳ ቶቺዲ፥ «ሃራታ አሺስ፥ ሺን ባና አሻናው ዳንዳዔና፤ 32 ኩኔ ቤዒዲ አማናና ሜላ ኪሪስቶሲ፥ ኢስራዔሌ ካዎይ፥ አኔ

15:21 ሮሜ 16:13 15:28 ኢሳ 53:12 15:29 ማዝ 22:7፤ 109:25፤ ማር 14:58፤ ዮሃ 2:19

ማስቃሊያ ቦላፌ ሃሲ ዎዲ ዎዲ» ያጊዶሶና። ቃሲ ሃሪ አቶሺን፣ ኢያራ ማስቃሊያ ቦላ ካቁቲዳይሳቲካ ኢያ ቶቺዶሶና።

ዮሱሲ ሃይቂስ

(ማቶ 27:45-56፤ ሉቃ 23:44-49፤ ዮሃ 19:28-30)

³³ ኡሱፑን ሳቴፔ ዶሚዲ፣ ኡዱፉን ሳቴ ጋካናው ቢታ ኡባይ ዲሚስ። ³⁴ ኡዱፉን ሳቴያን ዮሱሲ ባ ቃላ ዶቁ አሲዲ፣ «ኤሎሄ፣ ኤሎሄ፣ ላማ ሳባቂታኒ?» ያጊስ። ሄሳ ጉሳይ፣ «ታ ያሳው፣ ታ ያሳው፣ ታና አይስ አጋዲ?» ጉሱ።

³⁵ ሄሳን ኤቂዳ አሳፔ ኢሶይ ኢሶይ ሄሳ ሲዲዲ፣ «ሄኮ፣ ኤሊያሳ ዌጌስ» ያጊስ። ³⁶ ሄ አሳፔ ኢሶይ ዎዲዲ፣ ኢስፖንጄን ጫላ ዎይኔ ኩንሲስ፤ ሄሳ ፃምዓ ዌራን ዎሲዲ፣ «ናጊቴ፤ ኤሊያሲ ማስቃሊያፔ ኢያ ዎዲሳናው ያኔኮ አኔ ቤያስ» ያጊዲ ዮሱሳ ዶናኮ ኡሻናው ሺሺስ።

³⁷ ዮሱሲ ባ ቃላ ዶቁ አሲ ዋሲዲ፣ ሃይቂስ።

³⁸ ያሳ ኬሳን ካቁቲዳ ማጋራጃይ ቆዋፌ ዱጌ ጋካናው፣ ናምዑ ኬዬዲ ዳኬቲ ዎዲስ። ³⁹ ማስቃሊያፔ ሲንሳ ባጋራ ያን ኤቂዳ ኢሲ ማቶ ሃላቃይ፣ ዮሱሲ ዋኒዲ ሃይቂዳኮ ቤዲዳ ዎዴ «ሃ ኡራይ ቱማ ያሳ ናዓ» ያጊስ።

⁴⁰ ሄሳ ሃሆን ኤቂዲ ቤዲያ ጉሳ ማጫሳቲ ዴያሶና፣ ኤንታ ጊዶን ማግዴላ ማይራማ፣ ካሉዋ ያይቆባኔ ዮሳ አያ ማይራማኔ ሳሎማ ዴያሶና። ⁴¹ ሄ ማጫ አሳቲ ዮሱሲ ጋሊላን ዴዲያ ዎዴ ኢያ ካሊዳይሳታኔ ኢያ ሞኪዳይሳታ ቃሲ ዮሱሳራ ኢሲፌ ዮሩሳላሜ ቤዳ ሃራ ዳሮ ማጫ አሳቲ ያን ዴያሶና።

ዮሱሲ ሞጌቲስ

(ማቶ 27:57-61፤ ሉቃ 23:50-56፤ ዮሃ 19:38-42)

⁴²⁻⁴³ ሳዓይ አማርሲዳ ዎዴ ሺቂዳ አሳን ቦንፔቲዳ አይሁዴ ሻንጎታፔ ኢሶይ፣ ዮሴፋ ጊያ ኡራይ፣ ያሳ ካዎቴሳይ ያናይሳ ናጊሼ ዴዔይሲ፣ አርማቲያሳ ካታማ አሲ ዴዔይሲ ዮስ። ዎንቴሴ ሳምባታስ ጊጌቲያ ጋሳስ ጊዲዳ ጊሾ ዮሴፌ ሚኒዲ ጲላያሳኮ ቤዲ፣ ዮሱሳ አሃ ኤካናው ዎሲስ። ⁴⁴ ጲላያሲ ዮሱሲ ሃይቂዳይሳ ሲዲዳ ዎዴ ማላሌቲስ፤ ማቶ ሃላቃ ዌጊዲ፣ «ኢ ሃይቂዲ ጋምዲዴ?» ያጊዲ አይቺስ። ⁴⁵ ጲላያሲ ዮሱሲ ሃይቂዳይሳ ማቶ ሃላቃፔ ሲዲዲ ኢያ አሃ ዮሴፋስ ኢሚስ። ⁴⁶ ዮሴፌ ሞን አፊላ ሻሚስ፤ ዮሱሳ አሃ ማስቃሊያፔ ዎሲዲ፣ አፊላን ፃፃዲ፣ ሹቻፌ ዎጩቲዳ ዱፎ ጊዶን ኢያ አሃ ሞጊስ። ቃሲ ሄ ዱፋዋ ዶናን ጊታ ሹቹ

ጎንደርሲዲ ዎሲስ። 47 ማግደላ ማይራማኔ ዮሳ አያ ማይራማ ዮሱሳ አሃ ኤንቲ አዉን ዎሲያኮ ቤዎሶና።

16

ዮሱሲ ሃይቆፔ ዴንዲስ

(ማቶ 28:1-8፤ ሉቃ 24:1-12፤ ዮሃ 20:1-10)

1 ሳምባታይ አዲዳፔ ጉዬ ማግደላ ማይራማ፣ ያይቆባ አያ ማይራማኔ ሳሎማ ቢዲ፣ ዮሱሳ አሃ ቲያናው ሺቶ ሻሚዶሶና።

2 ዎጋ ዎዴ ዎንታ ዳሮ ጉራ ገልቄይ ጫርሺን፣ ዱፉዋ ቢዶሶና።

3 ኤንቲ ባንታ ጊዶን ኢሶይ ኢሱዋራ፣ «ዱፉዋ ዶናፔ ኑስ ሹቻ ኦኔ ጎንደርሲዲ ዲጋናይ?» ያጊዲ ኦዴቲዶሶና።

4 ኤንቲ ዪሊያ ዎዴ ሄ ዳሮ ጊታ ሹቻይ ጎንደራቲዲ ኪቺዳይሳ ቤዲዶሶና። 5 ዮሱሲ ሞጌቲዳ ዱፉዋ ጊዶ ጌሊያ ዎዴ ኢሲ ፓንሳ አዴይ ቦላ ማዎ ማዲዲ፣ ኡሻቻ ባጋራ ኡቲዳይሳ ቤዲዲ ዳጋሚዶሶና።

6 ሺን ኢ ኤንታኮ፣ «ዳጋሞፊቴ፤ ማስቃሊያ ቦላ ካቆቲዳ፣ ናዚሬቴ ዮሱሳ ሂንቴ ኮዬይሳ ታኒ ኤራይስ። ኢ ሃይሳን ዴና፣ ሃይቆፔ ዴንዲስ። ኤንቲ ኢያ ሞጊዳ ቤሳ ሃይሳ ቤዲቴ። 7 ሃዲ ቤዲ ዮሱሳ ታማሬታሲኔ ጴጊሮሳስ፣ «ዮሱሲ ሂንቴፊ ሲንሳቲዲ ጋሊላ ቤስ። ኢ ሂንቴው ኦዲዳይሳዳ ሂንቴ ኢያ ያን ቤዓና» ያጊዲ ኦዲቴ» ያጊስ።

8 ማጫሳቲ ያሻን ኮኮሪሼ ዱፉዋፔ ኬዬዲ ባቃቲዶሶና። ቃሲ ኤንቲ ያዬዳ ጊሾ ሄሳ ኦዴስካ አይኮካ ኦዲቦኮና። *

ዮሱሲ ማግደላ ማይራሚስ ቤንቲስ

(ማቶ 28:9-10፤ ዮሃ 20:11-18)

9 ዮሱሲ ሃይቆፔ ዴንዲዳፔ ጉዬ ዎጋ ጋላስ ዎንታ፣ ላፑን ቱና አያናታ ኬሲዳ ማግደላ ማይራሚስ ኮይሮቲዲ ቤንቲስ። 10 ኢያ ባዳ ካሴ ኢያራ ዴዔይሳታስ፣ ኤንቲ አዛኒሼኔ ዮኪሼ ዴዒሺን ኦዳሱ። 11 ሺን ዮሱሲ ፓፃ ዴዔይሳኔ ኢው ቤንቲዳይሳ ኤንቲ ሲዒዳ ዎዴ ኢያ ጌይሳ አማኒቦኮና።

16:7 ማቶ 26:32፤ ግር 14:28 * 16:8 ኢሲ ኢሲ ቤኒ ማፃፋቲ ግርቆሳ ዎንጌላ ፓይዶ 8 ቦላ ኤሶሶና። ቃሲ ኢሲ ኢሲ ማፃፋቲ ፓይዶ 9-20 ጋካናው ዴዒያ ቆፋ ጉጃኮና። ጊዶሺን፣ ፓይዶ 8 ካሊዲ ዴዒያ ጉጃሶና። ሄሲካ [ማጫሳቲ ቤዲ፣ ኪታንቾይ ኦዲዳባ ኡባ ጴጊሮሳኒ ኢያራ ዴዔይሳታስ ቃንሳን ኦዲዶሶና። ሄሳሬ ጉዬ፣ ዮሱሲ ባ ታማሬታ ጊሼኔ ሜሪና አቶቴሳ ዎንጌላ ኪታ ዶሎሃፔ ዉሎሃ ጋካናው ኪቲስ።]

ዮሱሲ ናምዑ ባ ታማሬታስ ቤንቲስ

(ሉቃ 24:13-35)

¹² ሄሳፌ ጉዩ፥ ኤንታፌ ናምዓቲ ካታማፔ ኬዩዲ ቢሺን፥ ኣጌ ቦላ ዮሱሲ ካሴይሳፌ ዱማቲዲ ኤንታው ቤንቲስ። ¹³ ኤንቲ ጉዩ ሲሚዲ፥ ሃራታስ ኣዲዶሶና፥ ሺን ሃራቲካ ኤንታ ኣዳ ቱማ ጊቦኮና።

ዮሱሲ ታማኔ ኢሲ ባ ታማሬታስ ቤንቲስ

(ማጥ 28:16-20፤ ሉቃ 24:36-49፤ ዮሃ 20:19-23፤ ሃ.አ 1:6-

8)

¹⁴ ጉዩፔ ታማኔ ኢሲ ኢያ ታማሬቲ ካሲ ሚሺን፥ ዮሱሲ ኤንታው ቤንቲስ። ኤንታው ኣማኖይ ባይና ጊሾኔ ሃይቆፔ ኢ ዴንዲዳይሳ ቤዲዳ ኣሳይ ኣዲን ኤንቲ ኣማኖና ኢዲዳ ጊሾ ኢ ኤንታ ቦሪስ።

¹⁵ ኢ ኤንታታ፥ «ቢታ ኡባ ቢዲ ኣሳ ኡባስ ዎንጌላ ኣዲቴ።

¹⁶ ኣማኔይኔ ፃማቁቴይ ኣታና፥ ሺን ኣማኖናይ ፐርዴታና።

¹⁷ ኣማኔይሳታስ ሃ ማላታቲ ኢሜታና፥ ኤንቲ ታ ሱንሳን ቱና ኣያናታ ኬሳና፥ ኣራሳ ዶናን ኣዴታና። ¹⁸ ኤንቲ ሾሹ ኣይኪኮካ ዎይኮ ዎዲያባ ኡዩኮካ ኤንታ ቆሄና፥ ቃሲ ኤንቲ ባንታ ኩሺያ ሃርጋንቾታ ቦላ ዎሲዲ ኤንታ ፓላና» ያጊስ።

ዮሱሲ ፑዴ ሳሎ ኬዩስ

(ሉቃ 24:50-53፤ ሃ.አ 1:9-11)

¹⁹ ጎዳይ ዮሱሲ ታማሬታራ ኣዴቲዳፔ ጉዩ ፑዴ ሳሎ ኬዩስ፤ ያሳፌ ኡቫቻ ባጋራ ኡቲስ። ²⁰ ኢያ ታማሬቲ ቢዳሶ ኡባን ቃላ ኣዲዶሶና፥ ጎዳይካ ኤንታራ ኢሲፌ ኣሴስ። ኤንቲ ኣዲያ ቃላይ ቱማ ጊዲዳይሳ ያሳይ ኤንታው ኢሚያ ማላታታን ኤሪሲስ።

አራሳ ጫቁዋ ጎፋሳ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25
